



De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Santos Mensivm|| Maii Et Ivnii

Surius, Laurentius

Coloniae Agrippinae, 1576-

VD16 S 10258 - 10263

XXIX.

[urn:nbn:de:hbz:466:1-77393](https://nbn-resolving.de/urn:nbn:de:hbz:466:1-77393)

Basilidis
martyrii.

Non longo temporis interuallo interposito, Basilides, cum satellites socij sui certa de causa iusurandum ab ipso exigerent; assueranter affirmat, omnia in sibi non liceat reiurare: Christianum enim se esse, & hoc se propalam fateri. At illi primò eum et iamnum iocari putabant. Verum vbi illud constanter afferit, abducitur ad Iudicem, & coram illo intentionem confessus, in vincula coniicitur. Cum fratres in Domino ad eum aduentarent, causamq; repentinae & admirabilis huius mutationis sciscitarentur, ferrur respondisse: Potamioenam triduo post martyrium noctu ei assistentem, coronam ipsius capitì imposuisse, dixisseq; se pro eo gratiam à Domino postulasse, postulatam obtinuisse. & Dominum non longo tempore post eum ad suam gloriam receperatum. Post illa, vbi fratres sigillum in Domino ei impertuerant, postero die securi percussus, præclara martyrij corona donatus est. Alij item complures Alexandria eisdem temporibus, vt pote quibus Potamioena secundum quietem apparuisset, eosque fuisset impensè ad Dei verbum amplexandam cohortata, frequentes ad fidem Christi, sti accessisse commemorantur.

VITA SANCTORVM APOSTOLORVM PETRI
ET PAVLI, PER EGESIPPVM SCRIPTA LIB. III.
De excidio Hierosolymitano, cap. 2.

IVNII 29.
Petrus &
Paulus do-
cet Romæ.

Simon Ma-
gus.

Simoni Ma-
gus in
go quātum
tributum
Romæ.

S Petrus
excitat
mortuum.



RANT Neronis temporibus Romæ Petrus & Paulus doctores Christianorum, sublimes operibus, clari magisterio, qui virtute sutorum operum Imperatorem aduersum fecerant, captum magi Simonis delinimentis, qui ubi animum eius conciliauerat. Cui adiumentum victoria, subiectiones gentium, vita longauitatem, salutis custodiad feralibus artibus pollicebatur, atque ille credebat, qui vim rerum nesciret examinare. Denique summum apud eum tenebat amicitia locum: quandoquidem etiā præfulem sua salutis, vitaq; custodem arbitrabatur. Sed vbi Petrus eius vanitates & flagitia detexit, & species illum rerum mentiri, non solidum aliquid aut verum efficeret demonstravit, ludibrio habitus, & digno est consumptus mœstre. Et quanuis in alijs terrarum partibus Petri esset expertus potentiam, tamen præueniens Romanum, auctoritate, quod mortuos resuscitaret.

Defunctus erat id temporis Romæ adolescens nobilis, propinquus Cesaris, cum viuieris forum dolore. Admonere pleriq; experendum, utrum posset resuscitari. Celeberimus in his operibus habebatur Petrus, sed apud gentiles nulla facti huiusmodi deferebatur fides. Dolor exigit remedium: per rectum est ad Petrum. Fuere qui eriam Simonem accersendum putarent: uterque affuerunt. Ait Petrus Simon: qui se de sua iactaret potestate, priores sece partes dare: vt si posset, mortuum resuscitaret. Si ille non resuscitaret, se non defuturum, vt Christus opem ferret defuncto, quo posset resurgence. Simon, qui putaret apud urbem gentilium plurimum suas valituras artes, conditio nō posuit, vt si ipse resuscitasset mortuum, Petrus occideretur, qui magna potestate (sic enim appellabatur) iaceendo iniurias irrogauisset! sin vero prævaluisset Petrus in Simonem pari genere vindicaretur. Acquieuit Petrus, adorsus est Simon. Accedit ad lectulum defuncti, incantare atque immurmurare dira carmina ut coepit, visus est caput agitare, qui mortuus erat. Clamor ingens gentilium, quod iam viueret, quod loqueretur cum Simone. Ira & indignatio in Petrum, quod ausus esset conferre sece tanta potestate. Sanctus Apostolus poposcit silentium, & dixit: Si viuit defunctus, loquatur: si resuscitatus est, surgat, ambulet, fabuletur. Phantasma illud esse, non veritatem, quod videatur caput mouisse. Denique separatur, inquit, Simon à lectulo, & tunc ne id quidem ostentui futurum. Abducitur Simon à lectulo, manet sine specie motus alicuius, qui mortuus erat. Adstitit Petrus longius, & intra se paulisper orationi intentus, cum magna voce ait: Adolescens, surge! sanet te Dominus Iesus. Et statim surrexit adolescens, & locutus est, ambulauit, & cibum sumpsit, & dedit eum Petrus matri sua. Qui cum rogaretur, vt ab eo non discederet, ait: Non dereliqueretur ab eo, qui eum fecit resurgere, cuius nos serui sumus. Secura esto mater de filio, non verecaris: habet custodem suum. Et cum populus in Simonem insurgeret, vt lapi-

daretur, ait Petrus; Satis est ad poenam eius, quod cognoscit suas artes nihil valere: viuat, & Christi regnum crescere videat vel inuitus.

Torquebatur Magus Apostoli gloria: collegit sese, atque omnem excitans carminum suorum potentiam, congregat populum, offenditque se dicit à Galilæis relictum se urbem, quam tueri soleret. Diem statuit, pollicetur volatum, quo supernis sedibus inueheretur: cui quando velleret cælum pateret. Conscendit statuto dñe mōtem Capitolinum, ac se de rupe deiciens, volare coepit. Mirari populus, & venerari plerique, dicentes Dei esse potentiam, non hominis, qui cum corpore volitaret / nihil tale fecisse Christum. Tunc Petrus in medio stans, ait; Iesu Domine, ostende ei vanas artes suas esse, ne hac specie populus iste, qui crediturus est, decipiatur. Decidat Domine, sic tamen, vt nihil se potuisse viuens recognoscatur. Et statim in voce Petri implicatis remigis alarum, quas sumpserat, corruit: nec exanimatus est, sed fracto debilitatoque crure, Arrietiam concessit, atq; ibi mortuus est.

Quo comperto, deceptum se Nero & destitutum, dolens tanti casum amici, sublatumque sibi virum vtilem & necessarium Rē publicā, indignatus, querere coepit cau-
sus, quibus Petrum occideret. Et iam tempus aderat, quo sancti vocarentur Apostoli. Vide Nero.
Petrus & Paulus. Deniq; dato vt compræhenderetur præcepto, rogabatur Petrus, vt am.
sese alio conferret. Relata est ille dicens, nequaquam se facturum, vt tanquam metu
mortis territus cederet: bonum esse pro Christo pati: qui pro omnibus se morti obtu-
lisset: non mortem illam, sed immortaliter futuram: tanquam indignum, vt ipse
fugeret passionem sui corporis, qui multos doctrina sua cōpulerit se hortias pro Chri-
sto offerre: deberi sibi secundum Domini vocem, vt & ipse in passione sua Christo glo-
riam atq; honorem daret. Hec & alia Petrus obtexere, sed plebs lachrymans quærens,
ne se relinqueret, & fluctuantem inter procellas gentilium destitueret: victus fleribus
Petrus, cessit. Promisit se urbem egressurum. Proxima nocte salutatis fratribus, & ce-
lebrata oratione, proficisci solus coepit. Vbi vētum est ad portam, videt sibi Christum
occurrens, & adorans eum, dixit: O domine, quō vadis? Dicit ei Christus; Iterum venio
crucifigi. Intellexit Petrus de sua diūlā passione, quod ea Christus passurus videre
qui patitur in singulis, non utique corporis dolore, sed quadam misericordiæ com-
passione, aut gloriæ celebritate. Et conuersus, in urbem rediit, captusque a persecutori-
bus cruci adiudicatus, poposcit vt inuersis vestigis cruci affigeretur, quod indignus
esset, qui simili modo crucifigeretur, vt passus est Dei filius. Quo impetrato, vel quia
ita debebatur, vt Christus prædixerat, vel quia persecutor non inuitus indulget poena-
rum incrementa, & ipse Paulus, alter cruce, alter gladio necatus est.

Simon Magus dū vult
volare, cor-
ruit: deinde

Iohann. 21.

In huius rei
memoriam
extat adhuc
hodie Ro-
ma extra
porta Ap-
piæ credidū
iacellum,
quod vul-
go appella-
tur, Domi-
ne quō va-
dis?

ITEM VITA D. PETRI APOSTOLORVM

PRINCIPIS, PER D. HIERONYMVM SCRIPTA,

Lib. De Viris illustribus.



IMON Petrus filius Iohannis, prouincia Galilææ, vico Bethsaïda, frater Andrea Apostoli, & princeps Apostolo. 3. Petrus pri-
mo Antio-
chenam re-
xit ecclesiā. rum, post episcopatum Antiocheniæ ecclæsia & prædica-
tionem dispersionis eorum, qui de circuncisione credide-
rant in Ponto, Galatia, Cappadocia, Asia & Bithynia, se-
cundo Claudi anno, ad expugnandum Simonem Magum Deinde Ro-
manam. Romanum pergit, ibique vigintiquinq; annis cathedram sa-
cerdotalem tenuit, usq; ad ultimum annum Neronis, id
est, decimum quartum. A quo & affixus cruci, martyrio
coronatus est, capite ad terram verso, & in sublime pedi-
bus eleuatis: afferens se indignum, vt sic crucifigeretur, vt
Dominus suus.

Scriptis duas epistolæ, quæ catholice nominantur, quarum secunda à plerisque eius Ecclesia iā
esse negatur, propter stylum cum priore dissonantiam. Sed & euangelium iuxta Marcū, olim vtran-
qui auditor eius & interpres fuit, huius dicitur. Libri autem eius, è quibus unus Acto. que Epistola
lam tribuit
rum eius inscribitur, alijs Euangeli, tertius Prædicationis, quartus Apocalypsis, quin-
tus Iudicii, inter apocryphas scripturas reputantur. Sepultus Romæ in Vaticano, Apostolo
Petro. iuxta Petro.
viam triumphalem, totius Vrbis veneratione celebratur.

Mmmmm

VITA

VITA SANCTI PAVLI APOSTOLI, PER D.
HIERONYMVM SCRIPTA, LIB. DE VIRIS
illustribus.



A&to. 5,
A&to. 7. & 9.

A&to. 13.

Gala. 2.

A&to. 24,
27. &c. 28.

2. Tim. 4.

AVLVSApostolus, qui antè Saulus, extra numerum duodecim Apostolorum, de tribu Beniamin & oppido Iudeæ Giscalis fuit. Quo à Romanis capto, cum parentibus suis Tarsum Cilicæ commigravit, à quibus ob studia legis missus Hierosolymam, à Gamalièle viro doctissimo, cuius Lucas meminit, eruditus est. Cum autem interfuerit neci martyris Stephani, & acceptis à pontifice templi epistolis, ad persequendos eos, qui Christo crediderant Damascum pergeret, reuelatione compulsus ad fidem, quæ in Actibus Apostolorum scribitur, in Vas electiōis de persecutore translatus est. Cumque primum ad pradicatio-

nem eius Sergius Paulus proconsul Cypri credidisset, ab eo, quod cum Christi fidei subegerat, soritus est nomen, Paulus: & iuncto sibi Barnaba, multis vrbibus peragratiss, reuertensq; Hierosolymam, à Petro Iacoboq; & Iohanne gentium Apostolus ordinatus.

Et quia in Actibus Apostolorum plenissimè de eius conuersatione scriptum est, hoc tantum dicam, quod post passionem Domini vigesimoquinto anno, id est, secundo Neronis, eo tempore, quo Festus procurator Iudææ successit Felici, Romam vindictus mittitur, & biennium in libera manens custodia, aduersus Iudaos de aduentu Christi quotidie disputauit. Sciendum autem in prima satisfactione, ne cum Neronis imperio roborato, nec in tanta erumpente scelera, quanta de eo narrant historiæ, Paulum à Neronе dimisum, ut euangelium Christi in Occidentis quoq; partibus prædicaret, sicut ipse scribit in secunda epistola ad Timotheum, eo tempore, quo & passus est, de vinculis dictans epistolam: In prima mea satisfactione nemo mihi affuit, sed omnes me dereliquerunt: non eis imputetur. Dominus autem mihi affuit, & confortauit me, vt per me predicatione completeretur, & audirent omnes gentes: & liberatus sum de ore leonis. Manifestissimè leonem propter crudelitatem Neronem significans. Et in sequentibus: Liberatus sum de ore leonis. Et statim: Liberavit me Dominus ab omni opere malo; & saluavit me in regnum suum cælestis; quod scilicet præsens sibi sentiret imminere marryrium. Nam & in eadem epistola præmisserat: Ego enim iam immolar, & tempus resolutionis meæ instat.

Hic ergo quartodecimo Neronis anno, eodem die, quo Petrus, Romæ pro Christo capite truncatus, sepultusque est in via Ostiensis, anno post passionem Domini trigesimo optimo. Scriptum autem nouem ad septem ecclesiæ epistolas, ad Romanos vnam, ad Corinthios duas, ad Galatas vnam, ad Ephesios vnam, ad Philippenses vnam, ad Colossenses vnam, ad Thessalonicenses duas, præterea ad discipulos suos, Timotheo duas, Tito vnam, Philemoni vnam. Epistola autem, quæ fertur ad Hebreos, non eius creditur, propter stylus sermonisq; distantiam: sed vel Barnabæ, iuxta Tertullianum, vel Lucæ euangelista iuxta quosdam: vel Clementis, Romana postea Ecclesiæ Episcopi, quem aiunt ipsi adiunctum, sententias Pauli proprio ordinâsse & ornâsse sermone. Vel certè quia Paulus scribebat ad Hebreos, & propter inuidiam sui apud eos nominis, titulum in principio salutationis amputauerat: scripsit ut Hebraeus Hebreis Hebraicæ, id est, suo eloquio disertissimè, vt ea, quæ eloquenter scripta fuerant in Hebreo, eloquentius verterentur in Græcum: & hanc causam esse, quod à ceteris Pauli epistolis, discrepare videatur. Legunt quidam & ad Laodicenses vnam, sed ab omnibus exploditur.

Ex Eusebij Cæsareens. Ecclesiast. Hist. lib. 2. cap. 23. interprete Iohanne Christophorsono.

Petrus &
Paulus Ro-
ma occisi.

NERO igitur, qui hoc pacto infestissimus Dei hostis primus prædictatus fuit, ad Apostolos etiam trucidandos incitabatur. Paulum proinde Romæ, eo regnante, securi percussum, & Petrum etiam suffixum cruci, historiarum monumentis proditum

ditum est. Quinetiam insignis ac testata Petri & Pauli inscriptio, qua in cœmeterij Romæ ad hoc usque tempus manet, huius rei gestæ fidem facit. Atque hæc ita se habe
re, confirmat itidem vir Ecclesiasticus, Caius nomine, qui Zephyrini Pontificis Ro
mani temporibus vixit, in qua disputatione scriptis prodita, quam cum Proculo, Cata
phrygum hæresis, & opinionis patrono habuit, eadem ipsa de locis, ubi sacra Aposto
lorum, quos supra citauimus, tabernacula locabantur, asserit. Ego, inquit, Apostolo
rum trophae perspicuè possum ostendere. Nam si luber in Vaticanum proficiisci, aut
in viam, quæ Ostiensis dicitur, te conferre, trophae eorum, qui istam Ecclesiam suò
sermone & virtute stabiluerunt, inuenies.

Porrò Dionysius Corinthiorum Episcopus illos ambos martyrium eodem tem
pore pertulisse, sic ad Romanos scribens commemorat. Petrum & Paulum, qui Ro
manos & Corinthios primùm in Ecclesiam Christi inseruerunt, prudenti quadam ad
monitione impulsi, in unum locum conclusiſtis. Nam ambo, cùm & nostram Corin
thi, & vestram Roma Ecclesiam fundāſſent, & eiusdem doctrinæ præceptis, tum no
ſtos animos, tum vestros imbuſſent, eodem tempore pariter martyrium subiérunt.
Atque ista hoc loco intexuimus, quò rei gestæ maior certiorque adiungatur fides.

COMMENTARIUS QVI TRACTAT SINGVLAS
TIM CERTAMINA, LABORES ET PEREGRINATIONES,
& consummationem sanctorum & principum Apostolorum Petri &
Pauli: ex Simeone Metaphraſte.

NON eos solum, qui fuere ab initio patres artium admitti. 29. Junij.
mus, & eorum fauemus laboribus sed etiam, si quid aliud Cap. 1.
postea inuentum est à posteris, id fouemus & amplecti
mur. Quinetiam iſtos, ob id maximè laudamus, & eorum
honoricam facimus mentionem, quod qua sparsim &
singulatim ab alijs inuenta sunt, iij coniungentes & concin
nantes, in unum corpus redegerunt, & ei formam dede
runt, & artes posteris perfectas reliquerunt. Nos quoque
eos sequentes, vt fidelium satisfaciamus desiderio, tanquam
informem materiam, ea, qua de summis Apostolorum
Petro & Paulo, hic & illuc decantantur, tractantes, eis for
mam tribuimus, corporisq; articulis expressum efficiimus. Quoniam ergo hoc est no
bis institutum, & ad res tantas nostrum studium conferimus, incipendum est dicere,
vndenam primis Christi discipulorum fuerit ad vitam ingressus.

Petrus ergo (vt illius primū faciam mentionem, cuius prima fidei commissa fuit Cap. 2.
cura Ecclesia) fuit quidem genere Hebraus¹ Palæstinæ autem regionem habitabat Iohann. 21.
Galilæam. Patria vero ei fuit Bethlæida, quoddam paruum & vile oppidulum, eius.
dem tribus & patriæ, cuius ij, qui de Simeone gloriantur Patriarcha. Pater autem Patria S. Pe
erat Ionas, non is, qui redditus fuit à ventre balenæ², sed qui ex monstro, quod cadit tri.
in intelligentiam, multos liberavit per filium. Fuit autem in diebus Hycani³, cui au
res vna cum Regno ablatae sunt à fratre. Non is verò solus natus est patri, sed cum eo
quoque erat frater Andreas. Cūm autem accepisset Petrus filiam Aristobuli fratris
Barnabæ Apostoli, ex ea genuit filium unum, & vnam filiam. Et Andreas quidem, S. Andreas
qui vitam à negocio remorat, & coniugis expertem agebat, fit Iohannis Præcurso⁴. vxoris ex
ris discipulus, qui Baptismum prædicabat ad pœnitentiam. A quo cūm audijisset il.⁵ Pers.
Iud. Ecce Agnus Dei, dum seruatorem Christum dígo indicavit, relicto Baptista Iohann. 12.
hanne, secutus est Iesum. Magnus autem ille Petrus, cūm esset acerrimus & diligen
tissimus, magis versabatur in ijs, quæ ad vietum cōparandum pertinent, vt qui & cum
vxore habitabat, & senis patris prouideret sene&tuti. Cūm cum autem aliquādo ocio
sum inueniſſet Andreas, adduxit ad Christum. Ille verò eum admisit, & Petrum vo. Ibidem.
cauit, eius mentis soliditatem per nomen significans.

Postquam autem fuit relatus in numerum discipulorum, apparet statim vir pro Cap. 3.
bus, & fenuo spiritu. Quocirca regni cælestis claves ei creduntur⁶, super mare perin Matt. 16.
de a incorporeus, proprijs pedibus ingreditur⁷. Domini transfigurationis spectator Matt. 14.
efficitur⁸. Patris vocem suis audit auribus in eos qui peccant, docetur esse patiens: & v. Iohann. 21.
M m m m 2 ni.

niuersi orbis terrae cura ei committitur. Sed haec quidem, & his plura fusiū tractans sacer liber Euangeliorum, ipsas quoque rerum causas nobis declarat. Quas quidem in praesentia non exposuimus, cùm oratio malit esse breuis, quā nimis fusa.

Cap. 4.

Cùm iam autem magnus Deus & Saluator noster Iesus Christus per voluntariam & salutarem suam passionem, aboleuit diabolum, qui mortis tenebat imperium, & mortis vincula perfregisset, & tertio die resurrexisset, hic Petrus princeps Apostolorum, cùm esset magistri ditatus præsidentia, os efficitur reliquorum Apostolorum, vel, ut magis propriè dicam, magister. Et cùm deinde duodenarium quidem numerum Apostolorum in alterius locum substituto Matthia, suppleuisse plurimas au-

tem conciones Iudeis, qui in Sancti spiritus effusione aderant, & propter eā stupebāt, quōd alijs linguis Dei magnalia annunciant, effudisse, & alijs orationibus eis tulisi.

A&I. 2. set testimonium, tria millia statim ad fidem in Christum euocauit. Et cùm eum, qui erat ab ortu claudus, in speciosa templi porta, vna cum Iohanne Euangelista curasset, & rursus eos, qui erant congregati, arguendo instituisset, & ad salutem inuitasset: & verum Deum esse Dominum nostrum Iesum Christum ex Mose & Prophetis evidenter ostendisse, non solum miraculi magnitudine, sed orationis quoque vehementia omnes obstupefecit, & ad fidem in Christum attraxit, & decies mille virorum Ecclesiam constituit Hierosolymis. Ananiam autem & Sapphiram eius vxorem, qui no-

Ibidem. uam quandam fecerant usurpationem, sibi, inquam, tanquam propria usurpantes, qua Deo consecrauerant, graui reprehensione statim vita priuauit. Umbrage eius non solum variis morbos expulit ab hominibus, sed mortuos etiam excitauit. Liddē paralyticum Aeneam verbo curauit. Ioppæ pauperum amantem Dorcadem mortuum excitauit. Cesareæ Centurionem Cornelium, qui erat gentilis, ad fidem in Christum euocauit cum tota familia, & Spiritu sancto impleuit per baptismum. Quinetā fidei portam gentibus aperuit per eam, quæ illi apparuit, vasis linei visionem, in quo erant omnes bestiae terræ, & vocem, quæ de celo vna cum vase est delata, & eum est adhortata, ut surgens sacrificaret & comedere, nihil eorum esse commune existimat.

A&tor. 12. Ab Herode autem, qui etiā dictus est Agrippa, duabus catenis vinclitus, & in carcere coniectus, cùm diligenter custodiretur à quatuor quaternionibus militum, à diuino Angelo liberatur à vinculis, & à carcere, ei portis sua sponte apertis. Propter Simonem autem sceleratum illum Magum, obit omnes ciuitates Cœlesyria, & prater, eā Pontum & Asiam, atque etiam Galatiam. Et cùm in eis seminasset verbum fidei, ad ipsam usque Romanam peruenit.

Cap. 5. Episcopi à S. Petro or. dinati. Ut eas autem cursim persecutus, ha sunt; Cùm ab Hierusalem venisset Cesaream Stratonis, & ex ijs, qui ipsum sequebantur, presbyteris Episcopum ei confituisse, venit Sidonem. Vbi cùm multos curasset, & Episcopum constituisse, venit Berytum. In qua etiam cùm ex ijs, qui sequebantur, vnum ordinasset Episcopum venit Byblum. Deinde Tripolim, & apud Marsonem virum quendam prudentem diuersatur. Quem cùm fidelibus, qui erant Tripoli Phœnicie, Episcopum constituisse, venit Orrhosiam. Deinde Antardum. Deinde in insula, quæ dicitur Aradus. Deinde Balanæas, & illinc Panta. Deinde Laodiceam, in qua cùm multis, qui morbis laborabant, & vexabantur à dæmonibus, curasset, Ecclesiastique congregasset, & Episcopum constituisse, venit Antiochiam Syriæ ciuitatem. Quo in loco Simon quidem magus eos, qui ad eum quærendum ab Imperatore missi fuerant, declinans, constituit fugere in ciuitates Iudeæ. Petrus autem Domini Apostolus, cùm simul ac esset ingressus, multasq; Antiochias fecisset curationes, & vnum Deum in tribus personis ijs, qui erant congregati, feliciter annuciasset, & Episcopos ordinasset, Marcianum quidem Syracuse in Sicilia, Pancratium autem Tauromenii, venit Tyanen Capadoccia, & illinc Ancyram Galatię. In qua cùm preicatione suscitasset mortuum, multoq; catechesi instituisset, & baptizasset, & Ecclesiastique constituisse, & Episcopum ordinasset, venit Sinope Ponti ciuitatem. Deinde Amasœa, quæ est in mediterraneis Ponti. Deinde Gangram Paphlagonum. Deinde Claudiopolim Honoriadis. Deinde Nicomediam Bithynia. Deinde Niceam. Deinde cùm festinaret ascendere Hierosolyma propter Paschæ festum, reuertes venit Pisununtem. Deinde per Cappadociam & Syriam, rursus venit Antiochiam. Et illinc profectus, venit Hierusalem.

Cap. 6. Gal. Quo in loco, cùm iam tertius annus præteriasset à vocacione magni Pauli, ab ipso Paulo visitur, sicut ille ipse dicit, Post tres annos ascendi Hierosolyma ad videntem Petrum, & mansi apud eum dies quindecim. In quibus cùm Canones & Ecclesiasticas constitutiones exposuissent, beatus quidem Paulus profectus est ad opus, ad quod

S. Petri peregrinatio.

quod vocatus fuerat. Magnus autem Petrus rursus reuersus est Antiochiam. Vbi cùm Euodium constituisset Episcopum, venit Synadem Phrygia ciuitatem? Deinde Nicomediam? In qua cùm Prochorum ordinâsse Episcopum, venit Ilium ciuitatem Helleponsi. Quo in loco cùm Centurionem Cornelium constituisset Episcopum, ^{Cornelius} Centurio reuersus est Hierusalem. Visus est autem ei Dominus in visione, dicens; Surge Petrus Episcopus, vade ad Occidentem? opus enim habet, vt tuis illustretur facibus? & ego ero te. ^{Illi.} cum. Simon autem paulò ante captus ab ijs, qui eum quarebant, vt prius diximus, Roman ducitur, & vi luar poenas eorum, quæ perpetrauerat. In qua cùm fuisset, & arte sua magica multos mente mouisset & decepisset, non solum non dedit poenas, sed etiam à multis deus fuit existimatus. Romanos enim præcursor ille satana sua Magia in tantam adduxit admirationem, quinetiam ipsum quoque Claudiu[m] ut ei posita statua inter duos pontes in Tyberi inscriberent? Simoni deo sancto. Et hac ^{Simonis} Magi statua quidem Iustinus & Irenæus fusi persequuntur. Nos autem pergamus cœptam per sequi narrationem.

Cùm ergo quæ visa fuerant, magnus Petrus annuciâsse fratribus, & vale eis di. ^{Cap. 7.} xisset, rursus venit Antiochiam visitans Ecclesiæ. Quo in loco cùm magnum inue. ^{Gal. 2.} nisset Paulum, certo quodam consilio ab eo arguitur. Deinde cùm Tarisi Urbanum constituisset Episcopum, & Epaphroditum Andriacæ Lyciæ, & Phygellum Ephesi, quem aiunt à recta via diuertisse, & cum Simone sensisse, & Smyrna Apellem, qui erat frater Polycarpi, venit in Macedoniam. Cùm Philippis autem Olympum Episcopum constituisset, & Thessalonica Iasonem, & Corinthi Silam, cùm enim illuc inuenisset apud magnum Paulum permanentem, & Patris Herodionem, nauigauit in Siciliam. Et cùm venisset Taurumenum, diversatur apud Pancratium virum sapientissimum. Quo in lœco cùm quendam Maximum catechesi instituisse, & baptizasse, & Episcopum ordinâsse, Romam appellit. In qua cùm quotidie synaxes cele. ^{Petrus Ro. 14. ap. el.} braret, & vnum Deum patrem omnipotentem, & vnum Dominum Iesum Christum, filium verum de Deo vero, & vnum spiritum sanctum Dominum & viuisicum in synagogis & domi doceret, attraxit multis ad fidem in Christum, & per sanctum baptismum liberauit ab errore idolorum, adeò vt breui tempore ad sanctum baptismum omnes ferè accurrerint, & Deo per Apostoli doctrinam crediderint.

Hæc videns Simon, non satis duxit tacere, & suam celare improbitatem? sed glo. ^{Cap. 8.} ria & existimatione se superatum esse arbitratus, si fineret Apostolum totis viribus ijs, qui Romæ erant, veritatem annuciare, audacter simul & indocte cœpit liberè loqui in media ciuitate? & imperite aggressus est ei contradicere. Vbi & umbras ^{Præstigia} quasdam cum sequi & præcedere, quas dicebat esse animas mortuorum, & mortuos ^{Simonis} Magi. suscipiatos? & ei, tanquam deo, honorem tribuentes, elaudosque recte ingredi & sal. tare ostendebat, seque instar fabulosi illius Protei in variis formis mutans, ostendebat aliquando quidem duas habentem facies? deinde autem, paruo interiecto spatio, transformabatur in capram, & serpentem, & volucrem, & qualcum pars est eum videri, qui à ratione alienis seruit cupiditatibus? & igni se pè assimilabatur? & simpliores omnibus modis non cesabat decipere. Ille autem magnus Domini Apostol, si solum modo cernebatur, omnes eius machinationes facilimè dissoluebat, & innihil resoluebat.

Cùm multæ ergo (vt est consentaneum) inter eos fuissent vtrinque controuerſie, ^{Cap. 9.} & disputationes, necire autem Simon, quidnam amplius ageret, aram quandam lauro coronatus ascendit. Ex qua turbas primùm iracundè alloquens? Quoniam, inquit, adeò insipientes fuisti, ô Romani, vt me quidem relinqueretis, Petrum vero sequeremini; ecce in conspectu vestro mandabo Angelis meis, & metollent in manibus, & ad patrem meum ascendam in cælum, & illinc vos extremo afficiam supplicio! vt qui non in ijs, quæ vobis dixi, persisteritis. Hec cùm dixisset, plaudens deinde manibus, per aërem missus cœpit volare, quibusdam umbris, vel malis potius demonibus, eum impellentibus & portantibus. Magnus autem ille Apostolus Petrus cùm se paru retinuisse, audientibus omnibus, cœpit dicere; Domine Iesu Christe, qui es Deus meus, ne sis cum implere, quod proposuit, ne immittat petrā scandali, & lapide offenditionis malignus in eos, qui in te crediderunt. Et sublatis ad Simonem oculis, clara voce clamauit; Vobis satanæ ministris præcipio, ne eum portetis, sed eum dimittatis in eo loco, in quo nunc est. Statimque, cùm quæ circa ipsum apparebant, umbras recesserent, & in nihilum resolutæ essent, Simon lapsus ab aere, ad terram fertur casu misere. ^{Magus vo- litans ruit in terram.}

animam, acribus cruciatus doloribus. Cūm hoc autem factum esset, & turba multis horis clamaret. Magnus est Deus, qui nobis à Petro prædicatur! Petrus cūm altum quoddam sedile ascendisset, manumq; mouisset, & turbis præcepisset silentium, postquam ex Mose & Prophetis Dominum nostrum Iesum Christum Deum ante secula annuciāset, & plurimos dæmones fugāset ab hominibus, & morbos curāset variros, eos dimisit.

Cap. 10.

Cūm autem non diū mansisset apud Romanos, & sancto baptismō multos regenerāset, & Ecclesiam constituisset, & Linum Episcopum ordināset, venit Tarracina, tiam Hispa-
niā. In qua cūm Epaphroditum ordināset Episcopum, venit Sirium in ciuitate Hispaniæ. Quo in loco cūm Epanetum constituisset Episcopum, deuenit Carthaginē ciuitatem Aphricæ. In qua cūm Crescentem ordināset Episcopum, venit in Aegyptum. Et cūm Thebis quæ septem habent portas, Ruffum, Alexandria autem Marcum Euan-

gelistam eorum, qui se in disciplinam tradiderant, Episcopatui præfecisset, rursus venit Hierosolyma ex revelatione, propter Deiparæ Mariæ migrationem. Deindere uersus in Aegyptum, per Aphricam rursus Romanū rediit. Ex qua venit Mediolum, & Photicen, quæ sunt ciuitates in continente. In quibus cūm constituisset Episcopos & presbyteros, venit in Britanniam. Quo in loco cūm longo tempore fuisse moratus, & multas gentes non nominatas attraxisset ad fidem Christi; Angelicam adspexit visionem, quæ dicebat: Petre, instat tempus tua resolutionis, & oportet teire Romam: in qua cūm mortem per crucem sustinueris recipies mercem iustitiae. Cūm ergo propterea Deum glorificāset & egisset gratias, & apud Britannos manifestisset dies aliquot, & verbo gratia multos illumināset, & ecclesiās constituisset, Episcoposque & presbyteros, & diaconos ordināset, duodecimo anno Cæsaris Neronis rursus Romanū reuertitur.

Cap. 11.

Clemens fit Romanus pontifex. Quo in loco cūm Linum inuenisset consummatum, eius loco ordinauit Clemens tem recusantem & non admittentem eam curationem. Cui cūm ad id accommodatis verbis persuaseret, & vt bono esset animo, fuisse horratus, suorum sermonum cum

prouochit ad cathedram. Qui cūm, sicut quidam vitulus, collum suum bono iugo subiecisset, cum Magistro suo trahebat currum verbi. Quocirca multi quidem illustres prompto & alacri animo fidei obediebant, multæ autem nobiles foeminae addebandunt iis, qui salui fiebant. Cūm vero duæ foeminae Imperatoris, que plū quam aliae ab eo diligebantur, fidei accesserint, & pudicè vivere statuissent, quoniā erat libidinosissimus Nero & impudicissimus, furebat aduersus omnem Ecclesiam, maximè autem Petrum principem Apostolorum, vt qui fuisset causa pudicitia eius foeminarū quæ crediderant in Dominum. Quamobrem cūm ira supra modum effervesceret, quis pronunciat sententiam aduersus omnes, qui in Christum sperāscent. Cūm itaque milites omnes protinus comprehendissent, eos deducunt ad locum damnatorum, & Clementi quidem parcunt, vt qui esset cognatus Cæsaris, Herodionem autem & Olympam, vñ cum magna multitudine gladio subiiciunt. Petrum vero illum magnum Domini Apostolum inuersum Crucis affigunt. Quamobrem cūm ex clavis doloris, similiter atque Christus Deus noster, ipse quoque sustinueret, puram & immaculatam suam animam in manus Dei deponit. Clemens autem eius discipulus & Episcopus, cūm maximè venerādum & sanctum eius corpus magnifice composuisset ad sepeliendum, in loco insigni depositum. Sed de vita quidem & prædicatione, & fine magni Apostolorum Petri, hucusque sita nobis dictum breuiter. Necesse est autem de claro quoque & beato Apostolo Paulo, quomodo poterimus dicere.

Cap. 12.

Magnus ergo & beatus Domini Apostolus Paulus, erat ipse quoque Hebraeus quidem genere, ex tribu autem Beniamin, claris natus parentibns, hæresi Pharisæus, ascribens sibi patriam Tarsum in ciuitatem Cilicie, sub præceptore Gamaliel in lege Moses insigniter eruditus, ardens morum paternorum amulator, qui à pueritia Romanus vocabatur Saulus. Persequebatur autem & populabatur Dei Ecclesiam per ignorantiam. Quamobrem ei grata erat interfictio Stephani primi Martyris, vt qui omnium, qui lapides in eum iaciebant, suscepit vestes custodiendas, vt ad illius cædem omnium manibus viceretur. Porro aut primus quoq; vbiq; aderat cūj; qui agitabant seditionem, studens destruere præconium pietatis: multaque erant & magna, quæ ab ipso fiebant aduersus Ecclesiam, & nihil ei ad summam debeat in saniam. In hoc enim pietatem exercere, & se præclarè gerere arbitrabatur, sicut ipse fatetur in Epistolis, & Lucas refert in libro, qui inscribitur Actus Apostolorum. Etenim nō solùm is quomodo multi Iudei, odio habebat & auersabatur præconium pietatis, sed etiam maiorem

Gal. 1.

2. Tim. 1.

rem totius gentis iram prouocabat aduersus eos, qui ei ministrabant. Postquam enim id vidit repente refusisse, & fidei praecones euasisse ministrare. riores, amulatione percitus, & ratus se maxima affici iniuria, si praeconium quidem per vniuersam terram diffunderetur, praecones autem persecutorum paruifacerent periculum, omne studium adhibuit, vt hos quidem de medio tolleret, illud vero retardaret, ac reprimeret. Quamobrem cum a ficerotibus & doctoribus illo tempore acceptisset epistolas ad Iudeos, qui erant Damasci, iter ingressus est contra eos, qui erant in ea, discipulos. Sed qui ex vetero matris eum segregauit ad suum ministerium, videns eum iniusta teneri infania iniusta voluntate & iusto animi proposito, & ei in media via apparen, corporeis quidem eum orbat oculis, magnitudine purissima lucis, qua ex apparuit eius autem mentem & animam adeo illuminat, vt eum, qui erat olim persecutor, dilectum statim & fidelissimum fecerit suum praecomen. Sauli itaque nominis ^{s. Pauli conserio.} ne in Pauli nomen transmutato, eoque ex salo persecutionis traducto ad quietem eius fidei, mittit ad Ananiam quendam discipulum in urbe Damasco. A quo cum Paulus sanctum accepisset baptismum, & Christi intemeratis communicasset sacramentis. Efficitur fidelis socii prædicationis. Tantam ergo mutationem ostendit hic beatpost vocationem, & ad tantum in Christum exarsit desiderium, vt praecones veritas non solum verbis, sed factis etiam confirmaret, qui eum adhuc timebant, & suspicuntur habebant, ostendens se toto animi studio erupisse in amorem Domini. Quocirca cum fuisset cum iis, qui erant Damasci discipulis, statim coepit prædicare Christum in synagogis, Iudeos confutans, & rursum confirmans eum esse Christum. ^{Ibidem.}

Cum autem ei fuissent cogniti, quae Iudeis parabantur insidiæ, per murum in sporta dimittitur a discipulis, & in Hierusalem accedit ad Apostolos. In qua liberè loquens in nomine Domini Iesu, differebat & discrepabat aduersus Gentiles. Sed cum ei quoque rursus significata fuissent insidiæ, a fratribus deducitur Cæsaream, & illinc venit Tarsum. Quod cum venisset Barnabas, & cum inuenisset, deduxit Antiochiam. Cum toto autem anno illic cœtus haberet, & satis magnam docuissent multitudinem, & discipulos primum nominassent Christianos, in Iudeam ad fratres mitiuntur cum ministerio, propter famam, quæ fuit tempore Claudi Cæsar. Cum impletissent autem ministerium, reuersi sunt Hierosolyma. Vbi domino sacrum obuenientes ministerium, & ieunantes, à sancto spiritu segregantur ad opus, ad quod vocati fuerant. Emissi autem, venerunt Seleuciam, & illinc in Cyprus nauigârunt, & cum fuissent Salaminae, Dei verbum annunciarunt. Cum vero peruaissent insulam Cyprus, ad Paphum, execrant pseudoprophetam Barieum, qui multis peruerterebat. Quod cum factum esset, euenit statim ut multi crederent, atque etiam ipse Proconsul, qui erat in Insula. Illinc autem profecti, veniunt Pergam Pamphylia, & illinc Antiochiam Pisidiæ. In qua cum die sabbatorum concionatus esset Paulus in synagoga, attraxit multos ad fidem in Christum. Quamobrem Iudei pleni amulatione, eum & Barnabam eicerunt ē ciuitate. Ii vero ex ea egredientes, excusserunt puluerem ē suis peditibus, conuenienter precepto Domini.

Et cum venissent Iconium, & illic longo tempore versati essent, multosq; Iudeos & Gentiles, atque etiam beatam Teclam ad fidem Domini euocassent, a Iudeis, qui non crederant, & Gentilibus, afficiuntur contumelij, & appetuntur lapidibus. Cum que Lystram & Derben confugissent, quæ sunt vrbes Lycaniae, medentur ei, qui fuerat claudus à matre vetero. Quo in loco, cum presbyteros ordinassent, & Pisidiam peruaissent, venerunt in Pamphyliam. Et cum Perge locuti essent sermonem, & descenderunt in Attaliam. Cum autem venissent Antiochiam, & congregassent ecclesiam, annunciarunt quacunque cum eis fecisset Dominus. Illinc dimissi, peruerserunt Phœniciam & Samariam, narrantes conversionem gentium. Cum venissent autem Hierusalem, reuertuntur Antiochiam. Quod non oporteat circuncidiri, neque vesicis sanguine, & abstinentem sit à suffocato & immolatis, ab Apostolis afferentes tractantem Epistolam. Quod cum venissent, & satis longum tempus illic egissent, abiérunt Barnabas quidem in Cyprus, Marco assumptus, Paulus autem in partes Syriae & Cœliae, cum Silam elegisset, & quæ erant in ciuitate, Ecclesiæ confirmasset. Cumque venisset Derben & Lystram, & Timotheum assumpsisset discipulum, eum circuncidit. Deinde cum obiessent Phrygiam & Galatiam, à sancto Spiritu loqui sermonem prohibiti, venientes per Mysiam, tentarunt proficiisci in Bithyniam, neque sicut eos sanctus Spiritus.

Cum autem transiissent Mysiam, descenderunt in Troadem, & cum illinc accessisset. ^{Cap. 16.}
M m m 4 sent.

sent in Samothraciam, veniunt Neapolim. Et cum venissent Philippi Macedoniam, versati sunt illic dies aliquot. Quo in loco cum credidisset Lydia purpuraria, in dominum eius venientes gratia precationis, spiritum Pythonicum ejiciunt ab ancilla. Quamobrem ab eius dominis appetiti maledictis, ut qui alienos mores annunciareret, ceduntur virgis a Magistratibus, & in carcerem conieciuntur, eorumque pedes ligno caute & diligenter strunguntur. Quo in loco cum media nocte orarent, & Deum laudarent, fit maximus terrmotus, & carceris fores aperiuntur, & vincit omnes relaxantur, & custos careeris efficitur fidelis cum tota familia, cum quod ducit ad salutem, a Paulo accepisset baptismum. Egressi autem e ciuitate, cum Amphipolim transmiserint & Apolloniā, venerunt Thessaloniam. In qua cum multis accepissent in disciplinam, Iudeos ad iram provocarunt? Qui etiam collecta multitidine, conturbabant ciuitatem. Et cum accessissent ad aedes Iasonis, quarebant eos producere ad populum. Etcum non inuenissent, traxerunt Iasonem, & aliquot ex fratribus ad magistratus ciuitatis. A quo cum satis accepissent eos dimiserunt.

Act. 17.

Cap. 17.

Act. 18.

Cap. 18.

Act. 19.

Sudarium
S. Pauli sa-
nar agro-
tos.

Act. 20.

Instituit
Ius salubri-
ter S. Apo-
stolus Pau-
lus.

Act. 21.

Cap. 19.

Paulus Hie
rotolyma
capitur.

Illinc autem egressus Paulus cum iis, qui cum eo erant, venit Beream. Quo in loco cum multis accepisset discipulos, Timotheus quidem & Silas illic remanent, magnus autem Paulus per mare venit Athenas. Transiens autem, & ea contemplans que ab eis colebantur, aram quoque inuenit, in qua erat scriptum, Ignoto Dco. Ex quo parua accepta occasione, annunciat eis in medio Areopago Dominum nostrum & Deum Iesum Christum, initium dicens in ipsa area inscriptione statimque satis multis baptizauit ad fidem in Christum. Inter quos Dionysium quoque Areopagitam, & honestam quandam mulierem, nomine Damarim, & cum eis alios. Post haec vero Athenis abiens Paulus, venit Corinthum? & cum Priscillam & Aquilam inuenisset eiusdem, cuius ipse erat artis, apud eos diuersatur. Quo in loco cum annum & mens quinque transfigisset, & multos tam ex Iudeis, quam ex Gracis, gratiae verbo illuminasset, & ad Domini fidem euocasset, Priscilla & Aquila, & Timotheo assumptis, venit Ephesum, eisque illic relictis, venit Cæsaream una cum Timotheo. Cumque salutasset Ecclesiam, descendit Antiochiam. In qua cum aliquantum temporis esset versatus, egressus est, deinceps transiens per Gallatiam & Phrygiam.

Et cum per superiores partes venisset Ephesum, tribus mensibus cum Iudeis differens in synagoga de Regno Dei, persuasit ne iis attenderent, quæ adumbrare dicebatur à lege, sed ea ad spiritum transferrent & componerent. Cum autem apud eos alias duos annos & paulo plus mansisset, & ferè rotam Asiae ad fidem Christi attraxisset, & non vulgares virtutes, non per se solum, sed etiam per sudaria & semicinctia sua perfecisset, & omne genus morbos & demones exegisset, & Timotheum Episcopum eis constituisse, egressus est, ut iret in Macedonia. Cum illas autem partes transmisisset, venit in Graciam. Etcum tres illic mensis transfigisset, & multis accepisset discipulos, venit Troadem. Quo in loco cum Eutychum, qui dum disseretur, dormitauerat, & ex tertio coenaculo deorsum ceciderat, & mortuus erat, suscitasset, venit Afsum, deinde Mitylenen. Et cum die sequenti esset ex aduerso Chij, altera die appulit Samum. Et cum mansisset Strongilæ, die sequenti venit Mileum. Ex qua cum misisset Ephesum, accersit presbyteros Ecclesiæ. Postquam autem accesserunt, cum eis disserit de humilitate, & malorum tolerantia? deinde de constitutio- ne Ecclesiastica, & gregis cura. Et rursus cum ea, quæ & sibi Hierusalem eunti, & eis post eius recessum erant euentura, prædicti? &, quod oporteat vigilare in eos, qui in ista litora sunt gregem quidem diuilluri, eis mandatum dedisset, eodq; Deo com- mendasset, & precatus esset, nauem ascendens, statim soluit. Qua vestus, cum venisset in Coum Insulam, Rhodium nauigauit, & illinc Patara. Quo in loco cum alterum ascensisset nauigium, Cypro reliqua a sinistris, preter nauigauit Syriam? & cum venisset Tyrum (illic enim nauis impositum onus exonerabat) & inuenisset discipulos, manu apud eos septem dies. Et nauis rursus vñs, venit Ptolemaidem, & illinc Cæsaream, & ad Philippum Euangelistam, qui erat ex septem diaconis, diuersatur. Et post dies aliquot, sublatis sarcinis, venit Hierusalem. Et septem dies purificatus, templum ingreditur, annuncians impletos esse dies purificationis.

Quo in loco qui erant ex Asia Iudei, cum eum adspexissent, conturbarunt orationem multitudinem, & manus suas in Paulum immiserunt, clamantes, viri Israélitar, ferte auxilium. Cum fuisse autem maximus populi concursus, cooperant in eum hæc dicere. Hic est, qui aduersus legem & locum hunc, omnes ubique docet? Quinetiam gentiles introduxit in templum, & id inquinavit. Statiuque mota multitudo, incitata

tata est, ut cum tolleret de medio. Sed mox adueniens Tribunus Lysias, eum liberat^{Act. 14.} & cum militia auxilio eum mittit ad Praesidem Felicem, cui successit Festus. Cum sensisset autem Paulus à Iudeis in ipsum strui insidias, pro tribunali ad Caesarem statim prouocat^{Act. 23.} & tunc quidem dimittitur à iudicio, cessant autem, quae in eum à Iudeis parabantur insidiae. & deinceps à Praesidibus & magistratibus mittitur ad Caesarem. Cum verò esset constitutum, ut Paulus nauigaret in Italiam, cumque eo accepto, Centurio quidam nomine Iulius, vna cum alijs vinclis nauem ascendisset Adrumetinam, venit Sidonem, & illinc in Cyprem. Cum autem præter nauigasset pelagus, quod est ex aduerso Cilicia & Pamphyliæ, veniunt * Miram urbem Lyciæ. Et cum nauem ascen^{Act. 27.} * Lystram diffissent Alexandrinam, vix Cnidum perueniunt. Et cum subnauigasset Cretam per Salmonem, yenerunt in locum qui dicitur Pulchri portus. Ex quo cum soluissent, & Cretam præterlegerent, & ventus, qui dicitur Typhonius, qui latus excitat vndas, spirasset, prope Caudam, qua sic dicitur, decurrunt Insulam, & vehementi tempestate exagitari, & nauis armamentis projectis suis manibus.

Cum autem omnes magna affecti tristitia & mortem expectarent, surgens Paulus in medio corum, iussit eos esse bone animo, cum nulla sit eorum peritura anima, præter nauem, hortatusque est eos, ut cibum sumerent, ut qui iam quatuordecim dies manerentie iuni. Cumque seruati essent ij, qui erant cum Paulo, ex nauigatione nauem dissoluta ab undarum violentia, descendentes in terram, cognoverunt insulam vocari Meliten. Quo in loco cum congregaret Paulus farmentorum multitudinem, vipers eius manum apprehendit. Quam cum in ignem excusisset, nihil mali passus, Deus existimatus est à Barbaris. Quinetiam cum patrem Publum liberasset ab eo, quo laborabat, tormine intestinorum, & plura alia fecisset miracula, cum ijs, qui secum nauigabant, alia nauem Syracusas, & illinc Rhegium, deinde putoles, deinde Romanam ipsam. Cum autem cognovissent fratres eius aduentum, ruerunt ei obuiam usque ad Forum Appium, & tres Tabernas. Et Centurio quidem reliquos viuctos tradidit duci exercitus. Paulus autem toto biennio seruabatur ab uno milite, omnes qui ad ipsum veniebant, excipiens, & Dei Regnum cum omni fiducia predicans absque impedimento. Atque hæc quidem hucusque narravit Lucas in Actibus Apostolorum, qui librum eo tempore composuit. Quæ autem sunt postea consecuta, postquam Paulo Romæ relitto, profectus est Thebas Boeotia, minime composuit.

Eusebius autem, qui in secundo libro historiæ Ecclesiastice hæc est accuratè perscrutatus, dicit Paulum, cum tunc quidem causam dixisset apud Neronem, fuisse absolutum, & Dei verbum, cum esset relaxatus, Romæ agentem prædicasse totis decem annis. In quibus dicitur peregrinè profectus in Hispaniam, Galliam & Italiam, Christi Paulus pre^{*} dicat, Christi stum Hispaniis. præco verbum disseminasse, & multos à diis patriis euulsiisse, & cum grege Domini coniunxit. Iam verò cum esset in Hispania, tale quid dicunt accidisse. Mulier quædam & genere, & opibus, & doctrina insignis, cum iam olim auditionem accepisset Apostolicam, cupiebat ipsiis quoque intueri oculis præconem veritatis, & ipsis auribus institui in vera pietatis dogmatibus. Cum ergo ei visum esset diuina quadam inspiratione in forum proficisci, quo tempore qui vel ex sola fama ab ea diligebatur, per medium eius transibat, dicitur & eum vidisse leniter & placide ingredientem, ut qui non solum gratia plenos mores haberet cæteros, sed etiam ipsum incessum, & marito suo persuasisse, cui nomen erat * Probus (eorum autem qui illic erant, erat fatus, * alias Probus.) cile princeps) ut intra ædes suas hospitem exciperet. Postquam verò fuit accessitus, & fuit prope illos, eiusmodi aliquod miraculum accidisse mulieri, nempe apertis mentis sua oculis, vidisse in fronte eius, qui fuerat hospitio acceptus, literas aureas, quæ dicebant, Paulus Christi præco. Illam autem propter visionem insperatam in Hispaniis & voluptas, & timor, & lachrymis plena procidit ad pedes Apostoli, & cateche^{multi cre-} si ab eo instituta, primum quidem suscipit baptismum, appellata Xanthippe. Postea autem dunt in * Probus eius maritus, qui erat notus Neroni, deinde etiam Philotheus præfectus, & deinceps omnes, qui illam habitabant regionem. Quod autem in Hispania prædicauerit Paulus, hoc aperte dicit in Epistola ad Romanos, sic scribens: Nunc autem non amplius habens locum in his regionibus, desiderium autem habens veniendi ad vos à multis annis, cum proficiscar in Hispaniam, veniam ad vos, spero enim transiens vos videre. Quoniam ergo etiam antequam fuisset Romæ in animo habuit prædicare in Hispania, cum ei feliciter successisset, ut ad primam veniret ex ciuitatibus, non neglexit ea, quæ ei priùs visa fuerant, etiamsi Romam rursus reuersus, in

sus, in ea cessat à longis laboribus. Quomodo autem, & quanam de causa, iam sum declaraturus.

Cap. 22. Nero sicut in suis nam matrem propriam & præterea verò patris quoque sororem, & Octavianam suam vxorem, & alios innumerebiles, qui genere ad eum attinebant. Postea autem generaliter mouit persecutionem aduersus Christianos, & sic venit ad cædem Apostolorum.

S. Paulus gladio ceditur. Quo tempore accidit, vt Paulus quoque tricesimo sexto anno salutaris passus, tertio decimo autem Neronis, fieret martyris ei capite gladio amputato. Gaius vero quidam vir Ecclesiasticus, & Zephyrinus Romanus Episcopus, & Dionysius Episcopus Corinthius, scribunt, uno tempore, & simul Petrum & Paulum subiisse martyrium, tertio decimo anno Imperij Neronis. Dicunt enim Neronem eo tempore fuisse motum aduersus Christianos, propter eius sceminas, que in Dominum crediderant, & pudicè castaque viuere statuerant, nec cum eo congregari deinceps sustinebant, non autem propter Simonem magum. Ei vero, quod ab eis dicitur, fert testi monium Iohannes quoque ille lingua aureus, in rebus diuinis egregius, & cuius mens est plena spiritus, scribens in oratione aduersus eos, qui prohibent, ne fiant monachi. Neronem omnino auditissimam enim vir insignis libidine, qui primus & solus in tali imperio intemperantia nouos quosdam modos, & turpitudinis. Hic ergo Nero beatum Paulum fuit enim ijsdem, quibus ille, temporibus eo modo criminans, quomodo nos nunc hos viros sanctos. Eius enim pellici valde dilecta per suavitatem, vt simul acciperet verbum fidei, & liberaretur ab immunda illa congreSSIONe hoc modo (inquam) ille criminans, corruptoremque & seductorem, & ea, quæ vos nunc loquimini, Paulum vocans, primum quidem vinxit inclusum in carcere. Postquam autem non persuasit, vt desisteret puer dare consilium, tandem ei caput amputauit. Et haec quidem is, qui moribus & sermone est vir Apostolicus, de beato fine diuini Pauli.

Cap. 23. Principes ergo & diuini (vt prius diximus) Apostoli decimotertio anno Neronis summantur. Exercandum autem Simonem circa medium annorum Claudij aucti mortem subiisse terribiliter. Dicunt vero quidam præcessisse quidem Petrum anno uno, & beatam illam & Dominicam suscepisse perpeccionem, cum animam posuisse pro ousibus. Eum autem fuisse consecutum magnum illum Apostolum Paulum, vt dicit Iustinus & Irenaeus, cum totis quinque annis synaxes & deceptationes per se facerent ante resolutionem ad Christum. Atque ego quidem eis magis assentior. Eusebius autem Pamphili dicit, Petrum duodecim quidem annos esse versatum in Oriente; vi ginta autem & tres annos transsegitur Romæ, & in Britannia, & in ciuitatibus, quæ sunt in Occidente, adeo ut sit totum tempus prædicationis Petri triginta & quinque anni. Paulum autem ipsum quoque viginti & vnum annum prædicasse pietatem in Christum, & alios duos annos Cæsaream transsegitur in carcere. His vero coiungit duos quoque priores annos, quos egit Romæ, & ultimos decem, ut eius quoque prædicationis, & vocationis vniuersum tempus sit triginta quinque anni.

Cap. 24. Et sunt quidem nostra huiusmodi, & quæ possunt nostrum in vos desiderium ostendere, o Apostoli, & fraternali amorem in eos, qui sunt congregati. Hæc enim est veritas Christi, & communis Domini & magistri, ut nos in uincere diligamus, & queramus mulierum eius torum utilitatem. Vos autem vicissim nobis reddite curam, quam nostrum geratis, aduersus vitia victoriam, contra demones resistentiam, animi quietem ac pacem erga omnes, atque adeo etiam ipsos, qui nulla de causa sunt nobis inimici, animi similitatem ac patientiam, beneficentiam, & mutuum amorem. Vos certe rogamus, in quoconque vniuersi loco sitis, seu etiam in vniuerso, ut credimus, nos quoque respicite, & ad animi tranquillitatem nostram vitam deducite, peccatorum experiem, rectis factis & bonis operibus plenam, diuinis dignam oculis, ut in hac vita vobiscum festum perpetuo celebrantes, in futuro bona quoque promissa consequamur, gratia & benignitate Domini nostri Iesu Christi. Cum quo Patri simul cum sancto Spiritu gloria, potentia & honor nunc & semper, & in secula seculorum, Amen.

SAN.

DE SS. PETRO ET PAVLO APOSTOLIS.
SANCTI PATRIS NOSTRI JOHANNIS AR-
CHIEPISCOPI CONSTANTINOPOLITANI CHRY.
sostomi encomium sanctorum et principum Apostolorum
Petri et Pauli.

971

AELI & terra video certamen, propter præsentem cele-
britatem memoriae Apostolorum, cælestibus quidem vir-
tutibus laudantibus, & bonis verbis prosequentibus doctri-
nam laboris eorum, utpote quod per eos cognitum fuerit
carnis à Verbo suscepta mysterium, quomodo clamet
Paulus. Ut innotescat nunc principatibus & potestatibus Ephes. 3.
in cælestibus per Ecclesiam multiplex Dei sapientia, qui
sunt autem in terra, hominibus contendentibus per com-
memorationem, summis Apostolis dignas laudes afferre,
ut qui per ipsos redierint ad salutem. Quid enim est Petro
maius? Quid vero potest conferri cum Paulo? qui quidem
opere & sermone omnem naturam creatam vicere tam
in celo, quam in terra, qui luto corporis implicati, vel ipsis Angelis inuenti sunt maio-
res. Quid ergo dicemus de magistris naturæ creatæ tam inferna, quam superna? Non
inuenio orationem dignam ad laudandum eos, qui nostrum genus laudaure, qui v-
niuersam terram & mare obiere, & peccatorum radices euulsere & pietatis semina de-
iecere in cordibus hominum, qui erant increduli. Petrus magister Apostolorum, Petrus ma-
Paulus cognitor Oeconomia supernarum virtutum, Petrus frenum ingratorum gister Apo-
Iudeorum, Paulus adhortatio gentium. stolorum.

Vide autem excellentem Domini sapientiam Petrum quidem elegit ex piscatoribus
Paulum autem ex ijs, qui consuebant tabernacula. Et quod electionis quidem apparet,
est ex his artibus, quod autem intelligitur, est valde admirabile, quia Dei quoque est ele-
ctio. Quoniam enim obruebatur gloria Iudeorum, piscatori commisit Deus, ut scri-
taretur profunda maris, quod percipitur intelligentia, dicens ei, Vade ad mare, & ia-
ce hamum, & cùm qui ascenderit, primum pisces susuleris, aperi os eius, & inuenies
staterem. Mare dicens, mentem Iudeorum instabilem, hamum autem, doctrinæ ver-
bum artificio sum, & pisces, legem. Aperire autem os eius, significat eam interpreta. Matt. 17. Nota inter-
prii, quomodo rursus in eo inuenire staterem, significat examinare ipsam spiritualiter. prestatione.
Paulo autem, ut potè sutori tabernaculorum, totas gentes tradidit, ut eos qui lege &
gratia nudati erant, pelle indueret coccinea, quæ aqua & sanguine Domini tintæ fue-
rat. Audiuit enim ipse quoque Dominum ad ipsum clamantem, Ad gentes procûl e-
go mittam te. O beata Dyas, cuius fidei sunt credite animæ mundi vniuersi. Petrus
principium fidei orthodoxæ, magnus interpres sacrorum Ecclesiæ, Christianorum
necessarius consiliarius, thesaurus supernarum virtutum, qui fuisti honoratus à Do-
mino Apostolus. Paulus magnus præco veritatis, orbis terrarum gloriatio, qui es ho-
mo in cælis, & Angelus super terram, gloria Ecclesiæ, qui volas Aquila in excelsis, qui
es lyra spiritus, qui es hirundo & cicada, qui instrumentum Dominicum, qui vigilans
Christi minister.

Paulus & Petrus iuncti boues Ecclesiæ, qui vniuerso orbi terrarum bonam intule-
runt negociationem, qui crucem pro iugo susulerunt, pro onere autem, nomen Sal-
uatoris, pro collaribus vero, testamentum scripturarum, pro stimulo, gratiam spiri-
tus. Paulus & Petrus, qui Ecclesiam indies laxificant, receptacula spiritualia, orbis terræ
publica diuersoria, sanctæ interpretandæ Trinitatis instrumenta, à Deo Verbo suscep-
ta carnis oeconomicæ interpres. Petrus, amor meus spiritualis! Paulus, vas electionis,
meus baculus. Petrus, templum Dei! Paulus, os Christi, qui es trium cubitorum, & ad Rom. 13.
tertium cælum peruenis, qui loco circumscriberis, & mundum vniuersum Domino
circunscribis, qui ab Hierusalem & circuncircâ usq; ad Illyricum sparsisti Euangeli. A&to. 9.
um, qui es velox cursor, qui diuina es impletus gratia! Cui fecit Dominus testimoni-
um, quod portes nomen eius in conspectu totius orbis terræ, qui tertium cælum
pervasisti, & ingressus es in paradisum, & usque ad Dominicam, quæ mente compre-
hendi non potest, cathedralm ascendisti, & arcana mysteria audiuisti, quæ non licet
homini loqui.

Quid

Quid autem Petro quoq; dicemus, qui est dulce Ecclesiæ spectaculum? Is revera est lampas vniuersæ terra; alba & casta columba, acris & vehemens Apostolus, feruens spiritu, Angelus & homo, gratia plenus, solida petra fidei, vetustus Ecclesiæ sensus? Qui, Beatus es, & columba filius, propter castitatem audisti ex ore Domini. Qui claves regni cælorum accepisti ab ipso Domino. Vos Angelorum ordines spoliasti. En quid dicam amplius? Vos laudat ipse Dominus, Vos estis lux mundi, dicens. Qui estis potentiores Regibus, fortioribus militibus, diutiores diuitibus, sapientiores philosophis, eloquentiores oratoribus? qui nihil habetis? & omnia possidetis. Vos estis martyrum tolerantia³ Patriarcharum orthodoxa sententia⁴ Monachorū exercitatio⁵ Virginum coronatores⁶ eorum, qui sunt matrimonio coniugati, pacificatores⁷ raptorum frenatores⁸ intemperantium castigatores⁹ tegumentum Regum lūri Christiano. rūm¹⁰ Barbarorum aduersarij¹¹ qui cum hæretici imponitis¹² qui à ratione alienas morte afficitis animi perturbationes¹³ qui legiones dæmonum expulisti, qui aras idolorum diruisti¹⁴ qui & infrā & suprà diuites fuisti¹⁵ vt qui superiorum quidem claves accepteritis¹⁶ eorum autem, qui sunt infrā, soluendi & ligandi peccata potestatem habetis.

Act. 5. & 19.

Petrus pectra fidei.

O rudis idiota miraculum. O illiterati sapientia. Petrus umbra sua Paralyticos adstringit, & soluit mortem¹⁷ Paulus vestimentis suis morbos expellit¹⁸ & fugat dämo-nes. Qui intermedian habetis matrem Domini, & quous iusto spiritu estis præstanti-ores¹⁹ columnæ Ecclesiæ magna orbis terræ lumina²⁰ Qui vobis iniucem estis præstatio-nes, & simul omni creatu natura meliores. Gaudias, Petre, petra fidei²¹ Gaudias, Paule, gloriatio Ecclesiæ qui mala innumerabilia propter ipsam sustinuitis²² in carceribus inclusi, à Iudeis odio habiti, à Barbaris tracti & raptati²³ Regibus cæsi & ignominiam, passi²⁴ quibus nec facile quidem licuit respirare, nec permisum fuit cessare à doctrina²⁵ qui propter pondus vinculorum membra mouere non poteratis, & omnem orbem terrarum peccato alligatum vestris soluebatis Epistolis. Vos dæmonum phalanges fudisti²⁶ per vos sancti spiritus gratia diffusa est in orbem terræ caliginem erroris vos & terra contraxisti.

Quisnam ergo vobis referemus gratias, qui tantum laborasti? Memini tui, Petre, & obstupefco²⁷ Recordor tui, Paule, & mēte emotus opprimor lachrymis. Quid enim dicam, aut quid loquar, vestras contemplans afflictiones nescio. Quot carceres sanctificasti? Quot catenas decorasti? Quot tormenta subiisti? Quot maledicta tolerasti? Quomodo Christum portasti? Quomodo prædicatione Ecclesiæ sanctificasti? Sunt benedicta vestræ lingua instrumenta. Sanguine conspersa sunt membra vestra propter Ecclesiæ. Vos sine defœtu imitati estis Christum in omnibus. In oēm terram existi vester sonus, & verba vestra in fines orbis terra. Inseparabilem, quæ ei à vobis est de-sponsa, Christus conseruet Ecclesiæ. Nemo ante vos, neq; post vos, talis apparuit. Quis enim sermonem, qui in docendo versatur, suscipiens ausus est aliquid dicere abs que vestra traditione? Vos omnes effecisti magistros nostram vicit cætitatem vestra tolerantia²⁸ vt qui optaretis esse anathema, vt mundum lucraremini. Quid deceterò vobis retribuemus pro omnibus bonis, quæ nobis tribuisti? Fit hodiè commemoratione vestra decertationis.

Petrus crucifixus.

Gaudias, Petre, cui datum est, vt ligno Crucis Christi fruereris. Et ad magistri quidem similitudinem voluisti crucifigi, non recta tamen figura sed potius capite demissio deorsum²⁹ tanquam qui à terra in cælum iter faceres. Beati clavi, qui membra tua penetrârunt mihi desiderabilia, & quæ cælesti gloria sunt mihi præstantiora. Tu qui cù omni fidutia in manus Domini animam tradidisti³⁰ qui individualiter Domino seruisti, & ei despōsae Ecclesiæ qui diligis Dominum³¹ qui ferues spiritu³² qui es Domino fidelissimus omnium Apostolus.

Gaudias, Paule, cui beatum caput fuit en se amputatum, cùm homo esses, quem verba enarrare non possunt. Quisnam ensis tuum guttur peruersit discernendi maxima potestate præditum, Dominicum instrumentum³³ quod à cælo habetur id admiratione, & quod terra reueretur? Quisnam locus tuum exceptit sanguinem, qui cruentavit quidem exteriorem tunicam Barbari, qui te palo affixit³⁴ atram autem in eius animæ vestem dealbauit modo inexplicabili, & vsq; adeò, vt lucem fidei induerit³⁵, & ea citra inuidiam contribules impertierit. Sit mihi ensis ille pro corona³⁶ & clavi Petri pro lychnibus gemmis, infixis in orbem diadematis³⁷ & illustrantibus formam meam ex peccato turpissimam.

Non est nobis, ô venerandi Apostoli, oratio, neq; mens sufficiens, vt aliquid suppediter

Paulus gladio cæsus.

ditetur ad vobis agendas gratias. Egeni sumus omnis doni, quod offeratur excellentibus potestatibus. Mutuò date vos, qui estis verè diuites, indigentibus; vel potius donate; neque enim possumus mutuum reddere. Et si beatas voces à vobis acceperimus, ex clama bimbi mus. Salutem beata biga, quæ vna es anima in duobus corporibus, Petre & Pauli. Galat. 6.
Saluete vos semper in Domino; sine intermissione pro nobis, rogamus, orate. Pro. 2.Pet. 1.
missa vestra implete! Sunt enim hæc vestra conuentus, vnius quidem hoc; Venite me cum, & bonis ne deficiamus! Alterius verò illud. Studebo post meum aduentum vestri facere mentionem. Pactorum ergo conuentorum nolite obliuisci; sed Trinitati principio parenti nullo intermedio assistentes, petite, quæ sunt nobis omnibus salutaria! In Christo Iesu Domino nostro, quem dæbet gloria in secula seculorum, Amen.

ENCOMIUM SANCTORVM ET PRINCIPIVM APOSTOLORVM PETRI ET PAVLI,
quod habetur in Simeone Metaphraste.

DISTRVM & Paulum discipulos Domini laudare quidem est laudabile & beatum! scopus autem assequi, est arduum & difficile: quandoquidem vis laudationum ex rebus inferioribus & terrenis sumitur. Quibus autem totus mundus est crucifixus, quomodo eis fuerit grata laus, ducta ex ijs habuere contemptu? Quisnam verò ut par est eorum aggressus fuerit encomia, qui laudem sortiti sunt ab ipsa persona sapientia, Christo verè magistro, post quem omnis moralis oratio ex illius participatione paruum quendam suscipit splendorem conuenientem eius prompto, qui id suscipit, studio? Quorum alter quidem dignus est habitus, ut beatus pronunciaretur, & cælorum questor constitueretur?

Alter autem segregatus in vas electionis, diuinum vehiculum ad omnem usum Dei constitutum appellatus fuit utilissimum.

Quid ergo? Quoniam eorum magnitudo ad tantam peruenit altitudinem, quæ ad eos pertinent, mandabimus silentio: quoniam ira est comparatum, ut in rebus maximis silentio honoretur earum summa excellentia: Quid verò lucri ex hoc redibit ad eos, qui illorum ardenti amore inflammati? qui & ijs, qui festi præsentem congregauere celebritatem, vident zelum extingui, & periclitari eis cupiditatem, eò quod sit cessatio? Si enim sunt apud ipsos oculos leges encomiorum, res autem maximas esse quiete tractandas censuit sapiens & verus oratio, silētio potius q̄ sermone eis honorē tribuerit, necesse est, ut vna desinant festi latitiae indicia, & quodcumq; in vitam fordinam & abiectam, in pauperes, inquam, in tali festo effunditur fluentum benignitatis, & quicunque sonus in tabernaculis iustorum vocis exultationis & confessionis celebratur.

Ne hæc ergo omnino contemnatur, & vobis à nobis hanc gratiam potentibus, id, quod desideratis, omnino desinat in desperationem? agè agè, veluti quoddā modicū medicamentū agritudinis animi vobis adhibentes, ea philosophemur, q̄ festo conueniunt, onus quidē fortasse, quod vires superat, subeunt, sed vestris confirmati precibus, nō desperamus fore, ut aliquid utile adducamus. His ergo omnibus prætermis, quæ nos à re proposita aggredienda retardant, nouum quoddam & alienum suscipientes argumentum, si ipsos, qui laudantur, cum nobis ipsi in rebus ab eis præclarè gestis comparauerimus, quod nostros pellat dolores, inueniemus. Erit autem hoc quomodo: Cùm primam vtriusq; vocationem, tanquam ex qua sit genus eorum deriuatum, primo loco posuerimus, per quam ipsi & ad verissimam lucem natii sunt progressionem; & per hoc ad virilem atatem peruenientes, diuinæ prædicationis suscepere plenitudinem: ne videamur procūl discedere à legibus encomiorū: aggrediemur ad eam, quæ nos vrget, gratiam.

Ad eum, qui est Deus & homo, Petrus est deductus, ut eius esset discipulus, fratre v. Iohan. 1. tens, veluti quodam satore partus Euangelici? Quintam Paulus non vtique opus habuit alio, qui ei ad hoc inseruaret, sed eo ipso, qui cum assumpturus erat ad Apostola. Aitor. 9. tum, iactu oculorum per fulgur stuporem afferendo, ipsum, qui prius erat fera agrestis,

Nnnn con-

I V N I V S.

cōuertente ad mansuetudinem. Et quid hoc, & quomodo? Nam mitis quidem & faciliis erat Petrus, nec tanto tuendae legis zelo tenebatur, ut aduersus stimulos calcitraret non sentiens. Paulus autem cum sero quidem didicisset, quod oportebat, fracta autem nimia esset eius audacia, tantus visus est in seruendo ei, quod est melius, quantus fuit ad impedientiam prius prædicationem. Exegit umbra Petri morbos, sed vestium quoque Pauli superficies & semicincta, erant ijs, qui homines vexabantur, morbis terribilia.

A&t. 5. & 19.

Matt. 16.

A&t. 9.

3.

14.

12.

9.

Atq; hæc quidem est (vt dixerit quispiam) eorum in genere comparatio. Quænam autem ea quoq; fuerit, quæ post illam fuit laudibus assumptio, licet ex ijs, quæ deinceps sequuntur, intelligere. Magnus Petrus, qui dignus est habitus, qui beatus pronunciatur, cui fuerunt creditæ claves regni cælorum, & à quo licet hominibus consequi, quicquid refertur ad id, quod est melius. Non minor est Paulus, qui vt vasest electionis, ab eo ipso est segregatus, audaciq; & periculoso conatu contendendo aduersus gentes & reges resistentes, perfecit Euangelij. Diuinissimus Petrus, qui ad templum legale ei, qui ab utero matris erat claudus pedibus integrum restituit sanitatem. Gratia est dignissimus Paulus, qui claudio, qui erat Lystris, fecit simile miraculum. A Deo fuit adiutus Petrus, qui ab Angelo Domini fuit liberatus ex carcere Herodis, & à cædem spirantium Hebraeorum expectatione. Non minor est Paulus, qui spora fuit è muro demissus, qui ipse quoq; ab Angelo Dei, etiam cum carne in hac fuerit actione directus, si quidem eum, à quo in pijs inserviuit operibus, ad Angelum Domini referunt labra à Deo mota.

Sed quid hoc, & quānam de causa Dominus vtriusq; tantam in his gerit curam? nū vt sicut Petrus circuncisioni, ita etiam Paulus præputio edat, quod sit probatum? & sic, quæ & sententia, & vita erant distincta, concordem referrent & consentientē Dei cognitionem? Admirabilis est Petrus, qui linteo è calo demisso, pleno omnis generis animantibus, castigatus fuit, & didicit esse indifferentem cum gentibus communione. Non minor est Paulus, si non etiam maiorem dicere sit religio, qui in tertium calum raptus, eorum, quæ dici nequeunt, ijs, qui ab ipso initabantur, in tempore aperte mysterium. Venerandus est Petrus, qui Tabitham fuscitauit. Quid verò num à tergo eius relinquitur Paulus, qui Eutychum, qui cum è fenestra cecidisse, vita excellerat, in vitam reuocat? Romæ repressit Petrus Simonem ab arte magica? quæ de causa ad suum quoq; abiit Dominum, cruce subiens magistri passionem. Paulus quoque eduxit Philippis mulierem, qua in star Pythia dabat responsa, ab errore quo populum tenebat irretitum? Quæ de causa & virgis cœsus fuit crudeliter, & ense rursus ei caputam, putatur, vt qui eam inuenerit mercedem, quod ex Cæsaris familia quosdam Christo conciliasset.

Deficiet me tempus, & ante tempus deficients verbis fluxus, qui quidem à graui senectute recisus omnino defecisset; nisi vestrarum precum vires, vt hac dicerem, cessissent. Confirmarunt enim, vt propheticè dicam, manus remissas & genua disolutæ mentem, inquam, meam, quæ imbecillitate corporis similis euastis imbecilla, vt diuino vestro satisfacerem desiderio. Id quidem, quod speratis, praestiti, aut parum abest, quin id sim asecutus? vestra est hæc, & non mea gloriatio, qui me ad hoc induxi. stis, & nostram planè resolutam & imbecillum ac defectam ætatē, vestra ad Deum fidutia roboratis. Sin aut à scopo procūl aberrauimus, indignitatis nostra infelicitati est attribuendum, quæ ita multitudine malorum est conturbata, vt ne in precibus quidem possim iusti munus implere. Sed quomodo cunq; res se habeat, Gloria principij experti patri, & coæterno filio, & qui cum eis est coæternus, diuino & bono spiritui, vni diuinitati in Trinitate, quæ non potest diuidi, quæ vitam præber omni spiritui, & ab omni creata natura colitur & adoratur nunc & semper, & in secula seculorum,

Amen.

THEO-

THEODORI DAPHNOPATI ENCOMIVM

SANCTI ET MAGNI APOSTOLI CHRISTI PAVLI,

colle^tum ex diuersis Orationibus Dini Chrysostomi & encomijs,

quæ fecit in magnum Paulum. Habetur autem in Si-

meone Metabraphaste.

975

Niuersa quidem lex encomiorum, & omnis oratio composita arte ^{Cap. 1.} Oratorum, à splendoris sanctorum vincitur magnitudine: maxi- mè autem, quæ de diuinis & principibus habetur Apostolis. Quan- ^{Apostoli eg- teris Sanctoris} tum enim alios, martyres, inquam, & iustos gloria & honore, & a. superiores pud Deum propinquitate superant, tanto etiam sunt superiores le- ge encomiorum eorum decertationes, & ea, in quibus alijs ante- celluntur quod humanam rationem superant & cogitationem, quæ pro vniue- ^{so orb}: terrarum certamina suscepunt & quæ præclare gesserunt. Quā obrem vestrum veluti placantes desiderium, etiam si cœptum sit audax, cum eorum laudes verbis studeremus extollere, cogitassemus autem id planè fieri nō posse, nec à nobis esse suscipiendum, ex ijs, quæ à diuino Patre, & melle fluente Chrysostomo va- riè dicta sunt, moralibus, inquam, orationibus & fussionibus, sermonibusq; & enco- mijs, & ijs, quæ sunt aliter ab eo laborata; id quod est vtile (vt par est) eligentes & in vñ harmoniam & consonatiā componentes, eis vnum ex omnibus encomium obtu- limus; ^{et idem} (vt semel dicam) dictiōnibus, quoad eius fieri potuit & sententijs & ver- bis id ornantes.

Sic autem habet; Apostolicorum quidem actuum inscriptionis totum iam vobis ^{Cap. 2.} debitum exoluimus. Deinceps autem erat consequens, libri aggredi principium, & di- ^{Asto. 1.} cere, quidnam sit illud? Primum quidem verba feci, ô Theophile, de omnibus, quæ Ie- sus cœpit facere & docere? Sed Paulus non sinit nos vt hoc ordine consequentia; ad se & ad reſta eius facta linguam nostram vocans. Cupio enim videre ipsum vinctum introduci Damascum; non catena ferrea; sed voce Domini. Cupio videre ipsum ^{Cap. 9.} tuni; hunc, inquam, magnum pīcēm, qui mare vniuersum agitauit, qui fluctus innu- merabiles excitauit in Ecclesiam. Cupio videre eum vinctum non hamo, sed verbo Domini. Nam quomodo quidam pīscator sedens super altam petram, & ex alto te- nens arundinem, hamum mittit in mare; ita etiam noster Dominus, qui pīscatum o- stendit spiritualē, sedens tanquam in alta petra caloru, tanquam hamū vocem illā emit- tens desuper, & dicens; Saule, Saule, quid me persequeris? sic cepit hunc magnū pīscē. ^{Ibidem.}

Quis enim illum crudelē & inhumanum, & persecutorem, & blasphemum, & ^{Cap. 3.} Ecclesiam sic vastantem, vt etiam domos ingrediens traheret viros & foeminas, & o- mnia confunderet & perturbaret, sustinuerit, si non repente eum Rex noster trans- mutasset, & ad se reduxisset? Etenim discipuli quoque, vbi eū vidissent affuisse, timore affecti horrebant, & ne eum quidem audebant adpicere, & quando rursus fuit ex a- micis, eundem metum ostendebant. Si eum ergo timebant etiam reconciliari, si fuisset inimicus & hostis, quid non fecissent? Ego autem quid agam? Necesse est, vt maxi- ma fugiam celeritate, ne si me rursus apprehenderit, abducat à proposito. Scitis enim quod cūm sēpē mihi aliò cuncti, & ad aliud conuersi occurrisset, me in media detinuit oratione, & sic cepit, vt in ea persuaserit finire orationem.

Hic ergo beatus Paulus, qui vniuersum orbem terra illuminauit, in tempore voca- ^{Cap. 4.} tionis aliquando est excacatus, sed illius excacatio facta est totius orbis terra illuminatio. Quoniam enim malè videbat, eum Deus recte excacauit, vt utiliter adspiceret. ^{Cur excita- te percussus} Et quoniam Dei Ecclesiam summe persequebatur, & erat adeò vehemens & alienus ^{Paulus.} à congressione, accipit frenum vehementius, ne si eum abducerer impetus illius ani- mi alacritatis, non obediret ijs, quæ dicebantur, & vt sciret, cum quo bellum gereret? quem non solam punientem, sed neq; beneficio sufficientem ferre potest. Nec, enim eum obsecraverunt tenebra, sed lux modum excedens ei offudit tenebras.

Sin os ergo bellum circunstiteret barbaricum, & in acie hostes maximam exhibu- ^{Cap. 5.} issent molestiam: deinde Imperator hostium, qui innumerabiles admouebat ma- chinas, & nostra omnia confundebat, multoque tumultu & turba replebat, & ipsam minabatur se vibem diruturum, & igni mandaturum, & nobis intētabat seruitum, repente à nostro Rege ligatus in vibem duceretur captiuus, nō omnes cum foeminiis

Nnnn 2 & infan.

& infantibus exilijssemus ad illud spectaculum? Cūm autem nunc quoque est bellum conflatum, Iudaïs omnia perturbantibus, & ad oppugnandam Ecclesiam machinas omnes adhibentibus, hostium verò caput est Paulus, qui omnia magna facit & dicit, qui omnia permiscet & perturbat, eum autem alligavit Dominus noster Iesus Christus Rex noster, non egrediemur omnes ad hoc spectaculum, ut videamus eum duci captiuum? Etenim Angeli ē cælis videntes eum vinclum introduci, exultabant, non quoniam videbant eum vinclum, sed quoniam mente agitabant, quod homines ē vinculi esset liberaturus, non quoniam eum manu duci cernebant, sed quoniam intelligebant, quām multos ille homines esset ē terra in cælum deducturus, non quoniam ē um lumine orbatum adspiciebant, sed quoniam cogitabant, quām multos ille esset ducturus ē tenebris.

**Cap. 6.
Psal. 106.** Propterea ego quoq; alijs omnibus dimissis, ad Paulum exilire contendeo. Paulus, & Pauli desiderium coēgit nos hunc facere saltum. Quis loqueretur potentias tuas, Domine? Quoniam non sicuti Paulum latere, quoniam talem virum ostendisti orbi terræ. Laudauerunt te omnes Angeli uno animo, quādo astra fecisti, & quando Solē sed non sic, ut quando Paulum ostendisti vniuerso orbi terra. Propterea terra fuit cœlo lætior, quoniam hic est lætior solari luce? Et hic quidem Sol cedit nocti, ille autē superauit diabolum. Et hic quidem in alto fertur, & deorsum immittit radios, ille autē infernū oriens, non medium cœli & terræ luce impletus, sed & os aperuit, & Angelos magna impleuit voluptate. Si enim propter unum peccatorem poenitentiam agentē est gaudium in cœlis, ipse verò exprima concione venatus est quinq; virorum myria, des? quemadmodum superiores virtutes gaudio non implebit infinito? Quid autem dico? Sufficit Paulus solummodo loquendo ad efficiendum, ut cali exultent & lætentur. Quid enim est huius visceribus feruentius, qui totum orbem terra percurrit tratus, lapidibus appetitus, ut vinclūs & vinclōs solueret, & ad se traduceret?

**Cap. 7.
Labores S.
Pauli.** Neque enim tanquam pugnans sic res consecvit, sed tanquam ad promptam & paratam veniens victoriam, sic erexit trophae, destruens, diruens, deiciens diaboli munitiones, & machinas dæmonum. Et neque parū quidem respirabat, ab his ad illos, & rursus ab illis ad alios transiliens, tanquam optimus aliquis Imperator, quotidiè tropheā erigens & victorias, vel potius horis singulis. Tunica enim sola induitus veniens in aciem, cum ipsis viris capiebat urbēs ad uerbariorum telaque & lanceas. Et omnia lingua Pauli. Solum enim loquebatur, & illius verba, quasi ignis fluxiones in hostes incidentes, fugabant quidem dæmones & eos, qui ab ipsis detinebantur, homines ad ipsum deducebant. Quando enim malum illum eiecit dæmonem, quinque præstigiatorum & maleficorum hominum cœuentates myriades, combusserunt libros artis magicae, & transierunt ad veritatem. Et quomodo cūm in bello turris cecidit, aut deiectus fuit tyrranus, qui cum illo erant, omnes abiectis armis accurrunt ad Imperatorem, ita etiam tunc factum est. Eiēto enim dæmonē, obfessi, omnes cūm libros abiecissent, vel potius dissoluissent ad Pauli pedes concurabant.

**Cap. 8.
Acto. 14.
15.
16.
17.** Ille autem tanquam uno exercitu dirigens aciem aduersus orbem terræ, nusquam cōsistebat, sed tanquam alatus esset quispiam omnia faciebat? Et nunc quidem claudum corrigebat? nunc autem alium orbabat, magum, inquam. Et nec in carcere quidem inclusus quiescebat, sed illic quoq; custodem carceris ad se traduxit, & efficiens illam pulchram capiuitatem, in admiratione habetur Dauid, qui Goliath uno solo deprimit lapide? sed si quis præclara Pauli facta examinauerit, & cum facto illius pueri comparauerit, quantum interest inter pastorem & Imperatorem, tanta est inter hunc & illum differentia. Hic enim non lapidem iaciens prostrauit Goliath, qui percipitur intelligentia? sed solum loquens, perfregit vniuersam diaboli cateruam. Et tanquam leo rugiens, & flammatum lingua emittens, sic inuadendo erat omnibus intollerabilis, & in omnem partem assidue transiliebat. Ad hos currebat, ad illos veniebat, ad hos transibat, ad illos resiliebat, vento inuadens celerius, & perinde ac domum vnam, aut nauigium unum, gubernans vniuersum orbem terre? & eos quidem, qui submergebantur, sursum attrahens, eos verò, qui caligabat, cōfirmans, nātas adhortās, ceruicibus imminens, proram circunspiciens, funes tendens, remum tractans, velum trahens, calum suspiciens.

Cap. 9. Ipse denique erat omnia, & nauta, & gubernator, & qui proram regit, & velum? & nauigium, & omnia patiens, ut mala solueret aliorum. Et quomodo quidam athleta ipse luctans, currēns, pugnis decertans, aut miles muros oppugnans, pedes, manus conserens, & nauali pugnans certamine, nullum non pugnæ genus obibat, & ignem spirat.

spirabat, neq; vllus poterat ad eum accedere, vno corpore totum orbem terrae occupans, & vna lingua omnes fundens ac fugans. Non sic multa tubæ irruebant in lapides urbis Hierichonting, & eos diruebant, vt vox Pauli, quæ resonabat; humi diabolicas Iosue deiecit munitiones; & ad se traduxit * auersarios. Et per fenestram demissus fuit ē pa- Acto. 9.

Atque famem quidem, & sitim, & nuditatem, & naufragia, & metus, & infidias, & Cap. 10. carceres, & plagas, & alia omnia, quæ sustinuit beatus Paulus propter prædicationem, nihil arbitror oportere dicere. Sufficiebat enim vnumquodq; eorum ad valde conturbandam & frangendam sanctam illam animam. Quando autem dicit, Quis infir. 2. Corin. 11. matur, & ego non infirmor? Quis scandalizatur, & ego non accendor? hoc est, quod omnium maximè perpetuam & intolerabilem ei præbebat animi ægritudinē. Si enim in vnoquoq; eorum, qui scandalizabantur, ipse accendebat, non poterat ardor ille extingui ex illius anima? Non deerant enim, qui scandalizabantur, & igni præbebat materiam. Videre autem Iudeos non credentes, quamnam cum vel parvam sinebat habere dilationem doloris & ægritudinis? Optare enim, inquit, anathema esse à Chri. Rom. 9. sto pro fratribus meis, cognatis meis secundum carnem, qui quidem sunt Israélitæ. Quod autem dicit, est eiūmodi; Mihi esset optabilius in gehennam incidere, quam Israélitas videre non credentes. Qui autem in gehenna elegit supplicium, ut possit omnes Iudeos adducere; clarum est, quod qui hoc non fuit assécutus, ijs, qui puniebantur in gehenna, vitam egit grauiorem.

O ardenter amorem charitatis. Qui aduersus ignem fuit audax Paulus, qui ada. Cap. 11. mantinus, qui firmus & validus, qui immobile, qui inflexible, qui dicebat? Quis nos separabit à charitate Christi? afflictio, an angustia, an fames, an persecutio, an nuditas, an periculum, an gladius? qui in terra & mari suam ostendebat audaciam, qui adamantis irridebat mortis portas, is postquam vidit lachrymas quorundam dilectorum, adeò fuit fractus & contritus, vt ne celaret quidem affectionem, sed statim diceret; Act. 21. Quid facitis flentes, & cor meum conterentes? O miraculum. Non contruit eū abyssus aquarum, & pauca eum lachrymæ contriuérunt & fregerunt. Quid facitis flentes, Vide quāta & conterentes cor meum? Quid dicens? Dic mihi; Adamantinam illam animam potuit sit vis chari tatis in Pau conterere lachryma? Certe, inquit; magna est enim vis charitatis! Ea me vincit & su. lo. perat; resisto enim omnibus, præterquam charitati.

Audite quicunq; ne pecunias quidem propter Christū despiciatis; immò verò pro. Cap. 12. pte vosplos & stupetis, Pauli amorem in Christum cogitantes & admirantes. Neq; enim Christum sic diligebat propter ea, quæ sunt Christi, sed propter ipsum res illius. Et vnum solū timebat, ne excideret ab ea, quæ est in illum, charitate. Hoc enim erat ei vel gehenna terribilis, sicut etiam in ea manere vel regno optabilius. Quando ergo ille propter Christi desiderium vel in gehennam non recusat incidere, & à regno excidere, si vtraq; haec essent proposita, nos autem ne presentem quidem vitam despiciamus, sumus ne digni vel illius calcis, cùm tantum absumus ab eius animi magnitudine? Si enim, qui vnius domus tantum cura gerit, et si habeat procuratores, ministros, & œconomos, sè penumerò ne respirat quidem propter curas, cùm nemo sit, qui ei molestiam exhibeat; qui non vnius domus, sed ciuitatum, & populuim, & gentium, 2. Cor. 11. & vniuersi deniq; orbis terra curam gerit, suntq; tot & tanta negotia, & tam multi, qui insultant & obsunt, idq; cùm sit solus, & tot & tanta patiatur, & tantam curam gerat, quantum nec pater filiorum, cogita quid sustinuit?

Si quis vult diligere germanè & syncerè, & scire vim charitatis, currat ad eius alium Cap. 13. num beatum Paulum; & ille eum docebit, quantum sit certamen ferre separationem à dilecto, & quanto animo opus habeat. Hic enim, hic, qui carnem exuerat, & corpus depositerat, & orbem terræ ferè nuda obierat anima, & omnem perturbationem ex animo expulerat, & incorporearum virtutum imitabatur impatibilitatem; alia quidem omnia ferebat facile, tanquam patiens in alieno corpore & carcères, & catenas, & abductions, & flagella, & minas, & mortem, & omne genus supplicij; ab una autem se paratus animo, quæ ab eo diligebarat, adeo fuit confusus & conturbatus, vt in qua dilectione speras se visurum non inuenit, ex ciuitate protinus recesserit. Quid hoc, ô beatae Paule? ligno quidem alligatus, & carcerem habitans, & flagris caesus, & in tergo sanguine circumfluens, & mysteriis initias & baptizabas, & offerebas sacrificium, & neminem despiciebas, qui esset saluus futurus? Cùm venisses autem in Troadem & terram inuenisses purgatam, & pararam ad excipienda semina, tantum lucrum eieciisti ē manibus, et statim resiliisti? Certe, inquit; magna enim me inuasit tyrannus animi æ-

Nnnn 3 gritudine,

gritudine, & meum animum valde confudit Titi absentia, meq; sic vicit & superauit,
vt cogerer hoc facere.

Cap. 14.

Vidisti quām sit magnum certamen dilecti ferre separationem, quām res sit molesta & acerba, quām excelsa opus habeat & iuuenili animo? Neque enim sufficit ijs, qui diligunt, solum esse vinclitos animo, neque eo sunt contenti ad consolationem, sed etiam corporea opus habent præsentia! & si hoc non adfuerit, non recisa est parua pars latitiae. Vis scire, quām pulchra sint arma ad attrahendos fratres, etiam si sint infideles, esse mitem, & mansuetum, & facile in oribus. Audi quid dicat Paulus, ad iudicem ingrediens infidelem, ab eo iudicandus; Beatum me existimo, qui sum a te iudicandus. Hæc autem dicebat, non ei adulans, absit, sed volens lucrifacere per mansuetudinem.

Acto. 26.

Quamobrem cum etiam ex parte lucrificet? & Iudice m cepit is, qui existimabatur tunc esse condemnatus; & Pauli esse victoriam ipse, qui erat vietus, alta voce cōfiteretur, praesentibus omnibus, dicens; Propemodū mihi persuades, ut siam Christianus. Quid ergo Paulus? Optārim ego non solum te, sed etiā omnes, qui adsunt, hoc esse, q; ego sum.

Cap. 15.

Atque in multis quidem locis sunt multa signa Pauli miraculorum? sed non sunt tam desiderabilia, quām stigmata, & non tam in scripturis quidem delestat facies miracula, quām male patiens, flagellatus, tractus, lapidibus appetitus. Lapidantes enim eum, inquit, traxerunt extra ciuitatem. Et rufus? Cū eum flagellasset, & multas ei plagas imposuissent, coniecerunt in carcerem. Quanta gloriatio, quanta voluptas, quantus honor, quantus splendor, scire se esse vincitum propter Christum? Sed vide rem admirabilem. Et commotus est, inquit, carcer, alligato Paulo, & omnī vincula sunt relaxata. Vidisti vinculorum naturam vincula relaxantem? Expergefactus autem custos carceris, cū vidisset ianuas apertas carceris, stricto gladio se erat interfecitus. Quid ergo Paulus? Clamauit magna voce, dicens? Nihil tibi mali feceris, vniuersi enim hic sumus.

Cap. 16.

Vides quām hic sit à vana gloria & superbia alienus? & quām benevolus? Non dixit Propter nos hæc facta sunt, sed tanquā vnius ex vinclis, dicit? Omnes enim hic sumus. Si enim tacuisset, & non per magnam vocem manus illius cōtinuisset, ensim per guttur transfigisset. Clamauit autem, quoniam in interiore carcerem erat conieclus. Contra te ipsum, inquit, hoc fecisti? cū interius conieceris eos, qui te sunt liberariā periculo. Vidisti quām sit benignus, & quantam hominum curam gerat Paulus? Malauit ipse esse vincitus & periclitari, quām illum desplicere pereuntem. Quomodo autem miles aliquis habens vniuersum orbem terræ contra se bellanten, & se in medijs versans hostium ordinibus, & nihil gravis patiens? ita etiam Paulus solus inter barbaros & inter Grecos, vbiique terrarum, & vbiique in mari se ostendens, mānsit inex pugnabilis. Et quomodo scinilla in stipulam & foenum incidens, ea, quā viruntur, transmutat in suam naturā? ita hic quoq; omnes inuadens, traducebat oēs ad veritatē.

Cap. 17.

Quem non obstupefecisset potentia vinculorum, beato Paulo impositorū, quod qui eum vinxerant, eos ad pedes vinclis duxerit, & illos ei subiunxerit? Procidit enim, inquit, custos carceris ad Pauli pedes, & qui erat solutus, iacebat ad pedes vinclis, & qui vinxerat, rogabat vincitum, vt solueretur à metu. Dic mihi? Non tu vinxisti? non in interiore conieciisti custodiā? non pedes ligno constrinxisti? Cur tremis? Curtum multuaris? cur lachrymaris? cur ensim strinxisti? Nesciebam, inquit, Christi vincitor tantam esse potentiam. Quid dicas? Accepit potestatem cælos aperiendi? & non erat aperitur carcerem? Soluit eos, qui vinclii erant à dæmonibus, & erat ferrum cum superratum? Qui ligatas itaq; soluebat animas, corpus suum soluere non potuisset? Qui per suas vestes alios ab illis soluebat vinculis, & liberabat a dæmonibus? ipse per se non soluisset? Propterea primum fuit vincitus, & tunc soluit vincitos, vt scias quod Christi serui vinclii, maiorem habent vim, quām soluti. Sic enim præclariores ostenduntur sancti vires, quando vel vincitus vincit solutos.

Cap. 18.

Vis catena
rum Pauli.
Ephe. 4.

Quando ergo is, qui est vincitus, nō solū seipsum soluit, sed etiam solutos, quisham est vius murorum? quidnam accepit commodi ex eo, quod ad interiore coniecerit custodiā? cū aperuerit etiam exteriore? Vis scire, quanta res sit catena ferrea, propter Christum corpori servi eius imposta? Audite beatū Paulum dē hoc ipso gloriantem, & dicentem; R ergo ego vos ego vincitus in Domino. Magna est & insignis dignitas regni & consularū? est autem omnium maxima, esse vincitum propter Christum. Nihil enim est æquè præclarū, ac vincitus propter Christum, ac catena imposta sanctis illis manibus. Hoc est longe præclarius & magnificens, quā esse Apostolū, quām doctorem, quām Euangelistam. Si quis diligit Christum, nouit id, quod dicitur. Si quis

Nota quæ
hic dicuntur.

DE S. PAVLO APOSTOLO.

979

Si quis vehementi ardor amore Domini & nouit vim vinculorum, maluerit esse vin^{Cap.19.} aus propter Christum, quām cælos habitare. Fortè enim est hoc quoq; præclarus, quām sedere à dexteris eius, & magnificenter iudicandum, & beatius, q̄ sedere super duodecim sedes. Si quis mihi daret optionem, aut vniuersi cæli, aut illius catenæ, qua Pauli vincet sunt manus, illâ ego præponerem^r. Si quis me collocaret, aut suprà cum Angelis, aut cum Paulo vincet, carcerem elegissim. Si quis me faceret, aut confessore illarum, q̄ sunt circa thronum, potestatum, aut eiusmodi vincet, mallem esse talis vincetus. Nihil enim melius, quām male aliqd pati propter Christum. Si quis mihi daret, vt mortuos suscitarē, nō hoc elegissim, sed catenam. Etenim nihil est illa catena beatius.

Vellem nunc esse in illis locis, in quibus manent illa vincula, & videre catenas, quas timent quidem & horrent dæmones, reuerentur autem Angeli. Si ab Ecclesia-^{Cap.20.} sticis curis essem remotus, & haberem corpus robustum ac validum, non recusarem ti faciat ma-^{Vide quan-} tantam suscipere peregrinationem, vt viderem catenas & carcerem, in quo vincetus gus hic do- erat Paulus. Si quis mihi concederet, vt viderem Paulum ē cælo despiciensem, & vo-^{ctor Pauli} catenas, emittentem, aut ē carcere, mallem ē carcere. Qui enim sunt in cælo, ad eum ve- niunt, quando est in carcere. O beata vincula, o beatas manus, quae Lystris clau.^{A&T. 14.} dum excitatunt, quām quæ erant circundatae vinculis.

Si fuisset ego illis temporibus tunc ego eas maximè essem complexus, & meis pu-^{Cap.21.} pillis impo-^ssuisset. Nō cessasset deosculari manus, quæ dignæ sunt habita, quæ pro-^{meo} meo Domino vincerentur. Non tam beatum esse censeo, quod raptus fuerit in tertium^{2. Cor.12.} usque cælum, & in paradisum, quām quod coniectus sit in carcerem. Non tam eum beatum pronuncio, quod verba audierit, quæ homini loqui nō licet, quām quod vin- cula sustinuerit. Etenim sunt hæc illis quoq; multo maiora. Est enim mihi magis ex- perendum, vt male patiar pro Christo, quām vt honorer à Christo.

Hoc Paulus quoq; cogitans dicebat, vt est verisimile; Si ipse qui propter me factus^{Cap.22.} est seruus, & gloriam exinanire, non existimat se vñquam tam esse in gloria, quām quando pro me fuit crucifixus, quid me non oportet pari? Audi enim cum dicentem; Glorifica me tu pater. Quid dicis? Ad Crucem duceris cum latronibus & sepulchro-^{Iohann.17.} rum effosioribus, vt sceleratorum & execrandonum hominum mortem subreas, es cō spendor, & alapas subiturus, & hæc gloriam vocas? Certè, inquit. Nam pro his, quos diligo, hæc patior, & hæc meritò esse gloriam existimo. Si ergo Dominus meus, qui miseris dilexit & miserabilis, eam rem vocat gloriam, & eam præfert gloria, quæ est in sede paterna, multo magis ego hæc debeo purare gloriam.

Sic Pauli anima nihil est beatius. In quibusnam autem gloriatur? In vinculis^{Cap.23.} in affli-^{A&T. 20.} ctionibus, in catena, in ffigmatibus. Vado enim inquit, Hierosolyma alligatus spiritu, quæ in ea cœntura mihi sunt, ignorans nisi quod spiritus sanctus per omnes ciuitates mihi protestatur, dicens, quod vincula & afflictiones Hierosolymis me manent. Pro-^{A&T. 21.} pter hoc ergo, vt vincar propter Christum, vt moriar propter ipsum. Non solum enim alligari, sed etiam mori paratus sum propter nomē Domini mei Iesu. Quid hoc ergo est? Non erubescis, non vereris orbem terræ captiuus obiens, non times ne quis Deum tuum damnae imbecillitatē ne quis propterea non accedat? Non talia sunt, inquit, mea vincula, scilicet, inquit, resplendere vel in regnis. Ut vincula mea, inquit, ma-^{Philip.1.} nifesta fierent in omni Prætorio, & multi ex fratribus in Domino, confisi meis vinculis, multo magis sine metu auderent verbum Deiloqui.

Vides vinculorum maiorem potentiam, quām mortuorum resurrectionis? Vin-^{Cap.24.}
eus fuit Roma, & plures attraxit. Vincetus fuit Hierosolymis, & vincetus concionans^{Act.25.}
Regem obstupefecit, & Praesidem metu affecit. Metu enim affectus eum dimisit. Vin-^{26.}
eus nauigauit, & naufragium prohibuit, & sedavit tempestatis. Cūm esset ipse in vin-^{27.}
culis, illud venenatum eum tetigit animal, & eo illæso cecidit. Vide autem hoc ubiq;^{28.}
fieri. Nam cūm multas ei plagas imposuerint, & esset vincetus, idq; tarsus validè (eum enim in interiorē conicerant custodiam) vel in his tunc valde securus, media no-^{16.}
te, quando aldè remissi dormiunt, scanebat & Deum laudabat. Quid hac anima esse possit magis adamantinum? Cogitabat enim pueros quoque in igne cecinisse & in for-^{Dan.3.}
nace. Fortè enim ratiocinabatur. Ego nihil tale passus sum.

Sed recte faciens oratio, me ad alia rursus eduxit vincula, & alium carcerem. Quid^{Cap.25.}
agam? Volo tacere, sed nō possum. Inueni alterum carcerem, illo multo mirabiliorē.
Sed nunc arrectis mihi adeste animis, perinde ac si nunc incipiam orationem, mente,
quæ adhibete alacrem & vegetam. Volo orationem abrumpere, ea autē non permittit.

Nnnn 4

Non

Non possum quiescere; non possum tacere: multa me circunfluunt. Nescio quid pri-
mum dicam, quid secundum. Quamobrem rogo, ne quis à me postule ordinem. Ma-
gna est rerum cognitio. Longa fuit Pauli catena; & diu nos detinuit.

Cap. 26.

S. Paulus
vinclitus, scri-
bit ad Phi-
lippen[es].

Sed non propterè facebo. Si enim ipse in carcere non tacuit, nec in flagellis, ego
filebo sedens, cum dies sit, & loquens in magna animi quiete & relaxatione? Et quo-
modò hoc fuerit consentaneum. Quis enim non stupeat, quis non admiretur, vel po-
tiùs, quis pro dignitate stupeat & admiretur, nobilem illam, & magnitudine celo pa-
rem Pauli animam, quod vinclitus & inclusus, & tanto interhallo disiunctus, scripsit ad
Philipenses? Scitis enim, quantum sit spatum inter Romanam & Macedoniam. Sed
neque via longitudo, neque temporis diuturnitas, neque molestia ac turba negocio-
rum, neque periculum & mala frequentia, neque aliquid aliud charitatem & me-
moriam expulit discipulorum? sed de eis omnibus in animo cogitabat, & non tam
catenis vinclae erant eius manus, quam desiderio discipulorum alligata erat & fixa a-
nima. Et quomodo Rex, qui thronum manè ascendit, & sedet in aula regia, protinus
innumerabiles vndeque accipit epistolam ita quoque, sedens in carcere, tanquam in au-
la regia, longè plures frequenter accipiebat, & mittebat literas ijs, quæ vbique erant,
gentibus, ad illius sapientiam de suis rebus omnia referentibus. Et eo plura, quam Im-
perator, administrabat negotia, quo maius ei creditum fuerat Imperium.

Cap. 27.

Paulus vin-
clitus Nerone
sulmior.

O Pauli potentiam implicatus erat catenis, & diademate redimitum Neronem
fieriebat. Sordidis erat induitus pannis, vt qui habitaret carcerem? & magis quam pura,
omnes conuertebat ad vincula sibi imposita. Super terram stabat retentus, & de
orsum intuens? & eo dimisso, qui erat in curru auro, omnes illi attendebant, sed me
ritore erat enim visitatum spectaculum, vide Imperatorem in albo curru sedentem/
hoc autem erat nouum & admirabile, videre captiuum aquæ liberè alloquentem Im-
peratorem, atque Imperator seruum vilem & miserabilem.

Cap. 28.

S. Paulus
plus hono-
ris est con-
sequutus, q
Imperato-
res.

Magna circunsistebat multitudo, & erant omnes servi Imperatoris, admirabantur
autem eum, non suum dominum. Verum enim uero non animaduertebant se leo-
nem laudare ex vnguis, cum oporteret dicere ea, quæ verè erant. Quanam verè ca-
sunt? Ea, quæ sunt in cælis. Quando veniet cum Regis cælorum, cum præclaro cur-
ru? quomodo tunc Nero sedebit modestus & tristis? Si enim nondum erat tempus co-
ronarum, & athleta tantum est honorem consecutus? quando venerit athleta, quan-
to honore fruetur? Erat inter alienos hospes & peregrinus, & si in tanta tunc habetur
admiratione? quando fuerit inter suos, quid non boni consequetur? quid non parti-
cipabit? quid non adipiscetur?

Nullus Romæ Imperator tantum est honorem assecutus, quantum Paulus. Sed
Imperator quidem foris iacet alicubi? Paulus autem tenet medium ciuitatis, tanquam
regnans & viuens. Si autem hic vbi sustinuit persecutionem, & vbi fuit vexatus & agi-
tatus, tantum est honorem consecutus? quando venerit, quid erit? Si vbi erat taberna-
culturum opifex, fuit adeò splendidus? quando venerit, splendore contendens cum ra-
diis solis, quid erit? Si cum tanta humilitate tantam superauit magnificentiam? quan-
do venerit, quid erit? Res non licet effugere. Quis non pudore afficitur, quod taber-
naculturum opifex in maiore fuerit honore, quamvis, qui in maiori habitus est admira-
tione, quam omnes Reges: si autem hic ea facta sunt, quæ sunt supra naturam? in fu-
tuoro quanto magis?

Cap. 30.
Alexander
Magnus.Pauli festus
dies.

Quid in mundi gloria est Alexandro gloriiosius? aut quid sublimius? Non viuus
multa magna gesit & præclarus? Non & gentes, & vrbes subiegit? & bella multa vicit
& prælia, & erexit tropheia? Non existimat est esse Deus tertius decimus à senatu Ro-
manorum? sed quod viuis quidem bella recte gereret, & victorias obtineret, cum &
Rex esset, & exercitus haberet, nihil mirum? Post mortem autem & sepulturam, vbi
que & in terra, & in mari quotidie tam multa facere, hoc est, quod maximam afferit
admirationem. Vbi enim est (dic mihi) corpus Alexandri? ostende mihi & dic diem, in
quo decessit. Sed non potueris. Pauli enim & præclarum corpus viderit, qui ad maxi-
mè regiam venerit ciuitatem? & illustrem eius mortis diem vniuersis orbis terra ce-
lebrari? Et res quidem illius, etiam sui ignorantibus autem huius scient etiam barbari?
& Christi servi sepulchrum est regis atrij splendidius. Nam ipse quoque, qui est indu-
tus purpura, vadit corpus illius complexurus? & fastu deposito, constitut orans mor-
tuum, vt eius curam gerat apud Deum? Et tabernaculorum effectoris, & piscatoris, &
mortui, tanquam defensoris eget is, qui est redimitus diademate. Idque videris non
solum Romæ fieri, sed etiam Constantinopoli. Etenim hic quoque magnum Consta-
tinum

tinum se magnō honore esse affecturum existimauit filius, si eum deponeret in vesti-
bulis pescatoris. Et quod sunt ianitores in regia Imperatoribꝫ, hoc sunt in corpore Re-
ges pescatoribus. Et hi quidem, tanquam loci domini, tenent interiora illi autem tan-
quam accolꝫ & vicini, satis habuerunt, si ianua aula eis attribueretur. Et Reges quidē
ministrorum & famulorum? qui sunt autem subiecti, tenent locum Regum.

Quis nunc mihi dederit, vt Pauli circunfundar corpori, & sepulcro affigari, & vi-
deam puluerem illius corporis, per quod peruersit vniuersum orbem terræ? quod, q̄ Cap. 31.
Notā de sa-
dearant Christo suppleuit? quod stigmata portauit? quod prædicationem vbiique se-
minauit? Puluerem corporis, per quod Christus est locutus, lux illuxit quois fulgo-
re lucidior? & vox illuxit quois tonitu dæmonibus terribilior? Neque enim tonitru
est tam nobis terribile, quām illa vox fuit dæmonibus. Si enim horrebant eius vestes,
vocem quoque multo magis. Huius oris vellem videre puluerem, per quod Christus
magna locutus est, & arcana, & maiora, quām per scipsum? per quod beatū illud ver. Rom. 3.
bum est locutus, Vellem esse anathema pro meis fratribus? per quod locutus est corā
Regibus, & non erubuit? per quod fugiebant dæmones, non solum loquentem audiē-
tes, sed etiam cūm procūl essent? per quod composuit omnia, quā sunt in terra, quin-
etiam ea, quā sunt in celis, quomodo voluit administrauit? illic ligans & soluens quos
volebat? pro sibi data potestate.

Quis mihi ostenderit puluerem Pauli cordis, quod in unoquoque eorum, qui Cap. 32.
peribant, inflammabatur? & infantes abortiuos iterum parturiebat? Hoc desidera.
rem videre vel dissolutum, quod est cælis sublimius, orbe terrarum latius, radio
splendidius, igne calidius, adamante validius? quod nouam vixit hanc vitam, nempē Galat. 2.
nostram. Vnde enim iam non ego, vivit autem in me Christus, inquit. Fuit ergo cor
illius cor Pauli, & tabula sancti spiritus, & liber gratia? quod dignum fuit habitum,
vt Christum amaret, vt nemo aliud? quod mortem despicebat & gehennam, & con-
tребatur à fraternis lachrymis. Quid enim facitis flentes, inquit, & conterentes cor Act. 21.
meum? Vellem videre puluerem manuum Pauli, quā erāt in catena? per quarum im-
positionem suppeditabatur spiritus, per quas diuinæ scribebantur literæ. Vidistis e.
c. inquit, quod literis ad vos scripsi manu meā manus illas, quas cūm vidisset vice. Galat. 6.
Act. 28.
Act. 9:4
Cap. 33.
ra, cecidit in rugum.

Vellem videre puluerem oculorum, qui pulchrè fuerunt occæcati, qui rursus ad.
Spixerunt ad salutem orbis terræ, qui digni sunt habiti Christum videre in corpore.
Vellem illorum quoque pedum videre puluerem, qui orbem terræ obiērunt, & non
fuerē defatigati; qui in ligno vinciti erant, quando fuit terræmotus in carcere, qui tam
habitabilem, quām in habitabilem orbis regionem peruerserunt. Et quid opus est dice-
re singula? Vellem illum ipsum videre leonem spiritalem. Quomodo enim leo ignē
ex oculis emittens in greges vulpium? ita in dæmonum & philosophorum irruerat
cateruan? & tanquam aliquod fulmen immissum irrumpebat in turmas diaboli. Ne-
que enim diabolus aduersus eum prodibat in aciem, sed v̄isqueadē timebat & treme-
bat? vt si vel vmboram vidisset, & vocem audiisset eminus protinus aufugeret.

Cogitate & stupete, quale sit Roma visura spectaculum, Paulum repente surgen. Cap. 34.
tem ē capsa cum Petro, & se extollentem, vt Christo fiat obuiām? quale donū sit Ro-
ma ad Christum missura? quibusnam sit duabꝫ coronis redimita, quibusnam sit aureis
cincta catenis. Cælum non ē tam splendidum, quando Sol emitit radios, quām ciui-
tas Romanorum has duas emittens lampadas per vniuersum orbem terræ. Quānā
ergo oratio sufficiet pulchris Pauli factis enarrandis? Aut quānam poterit lingua cō-
sequi huius encomia? Siue enim Prophetæ præclarum aliquid effecerunt, siue Patriar-
chæ, siue iusti, siue Apostoli, siue Martyres, hæc omnia Paulus adeò summè habet cō-
præhensionē, vt nullus magis illorum possederit id, quod habebat, bonum.

Quando ergo quācumque sunt bona inter homines, ita vna comprehendit anima, Cap. 35.
& omnia insigniter? non solum autem quā sunt hominum, sed etiam quē Angelorū,
quomodo affluemur laudum magnitudinem? Qua non ergo fuerimus digni condē-
natione, si cūm vnu homo omnia in se bona sit complexus, nos ne minimā quidem
eius partem imitari studeamus? Nam ex multis quidē alijs rectē factis habetur Patriar-
chæ in admirationem maximē autem ex eo, quod suum sacrificauit filium. Isaac ve-
rō propter patientiam, quod cūm à suis expelleretur finibus, non restitit, sed suis om-
nino cessit possessionibus, donec eorum, qui ei molestiam afferebāt, iniustum satiauit
cupiditatem. Porro autem Iacob quoque propter fortitudinem atque patientiam? Et
Dauid propter mansuetudinem? Et Elias, quod fuerit zelo percutitus pro Domino. Sed

Gen. 22:1-4

Rgs. 19.

Cap. 36.

Sed quidcum Paulus fuerit conferendum, qui haec omnia simul insignter est complexus? Neque enim ipse sacrificauit filium, sed seipsum sacrificauit nullies. Nec ex proprijs solum fuit expulsus finibus, sed & terram, & mare, & Graciam, & Barbariam, & vniuersitatem, ut semel dicam, terram, quantum Sol adspicit, obicit, tanquam alatus, tractus, verberatus, lapidibus appetitus, quotidie moriens? Neque bis septem annos seruunt, astu diei adustus, & frigus noctis perpessus, sed totam vitam transfigens in fame & nuditate, catenisque, carceribus, insidijs & periculis. Lenitatem vero & mansuetudinem quis magis quidem, immo vero quis aqua atque Pauli anima, utraque haec factis recte praestitit? Si autem eius zelum adspiceret, tantum videbis eum superare Eliam, quantum ille fuit alijs Prophetis superior. Sed Iohannes quidem comedebat locustas & mel agreste, hic autem versabatur in medio orbe terrarum, sicut ille in deserta solitudine, locustas quidem & mel agreste non comedens, sed hac longe frugaliorem sibi mensam apponens, & nec necessarium quidem habens alimentum, propter studium predicationis.

2. Cor. II.

Matt. 3.

Cap. 37.

Malac. 3.

Matt. II.

Restat decatero, ut eum exequemus Angelis. Nemo autem id, quod dicimus, nimis arguat audaciae. Si enim Iohannem scriptura vocavit Angelum, quid mirum, si etum, qui est omnium praestantissimus, contulerimus cum illis potestatisibus? Etenim quidam sit homo, & quanta sit nostrae naturae nobilitas, & quantae virtutis sit capax hoc animal, maxime omnium hominum ostendit Paulus. Et nunc stat, ex quo factus est, clara voce Dominum defendens aduersus eos, qui nostram reprehendant constitutionem, & ostendens inter Angelos & homines non multum interesse, si nobis velimur attendere. Non aliam enim sortitus naturam, neque aliam adeptus animam nec alium mundum habitans, sed in eadem regione, legibusque & moribus educatus, omnes homines superauit, qui fuerunt, ex quo nati sunt homines. Et quomodo mortuus in mortuum fuerit immobilis, ita naturae insultus accurate sopiens, in nulla re humani aliquid inquam passus est.

Cap. 38.

Si ergo Paulus, qui tot rebus recte gestis erat praeclarus, & tanquam Angelus videbatur in terra, quotidie studebat lucifacere, & stare in acie aduersus pericula veritatis, & sibi merces colligere spiritales, & nunquam consistere? quænam fuerit resilieta nobis excusatio, qui non solum sumus vacui omnibus recte factis, sed etiam tam multis subiecti delictis, quorum si vel unum nobis adsit, sufficit ad nos deducendos in barathrum perditionis, & nihil studij ponimus, ut ea saltem corrigamus, & tantum abest, ut virtutis opera attingamus? An non erat ille eiusdem, cuius nos sumus, naturæ? Incendor enim huius viri desiderio, & ideo non cessò circa idem assidue versari, & tanquam ad exemplar aliquod archetypum ad eius animam intuens, considero vitiorum despiciantiam, insignem magni fortisque animi virtutem, amoris in Deum ardorem, & valde miror, quemadmodum in vniuerso quidem virtutum coetu unus homo volens se recte gesserit, nostrum autem unusquisque ne in re quidem qualicum que se velit recte gerere.

Cap. 39.

Quis nos liberabità supplicio ineuitabili, cum Paulus tantam ostenderit virtutem, qui est eiusdem nobiscum naturae particeps, qui est obnoxius eiusdem animi perturbationibus, qui confitatus est cum tanta temporum difficultate, & quotidie, ut semel dicam, trahebatur, lacerabatur, & publicè conuellebatur ab iis, qui bellum gerebant aduersus predicationem? Ne autem ex nostra lingua audiat aliquis, quæ hic beatus recte gessit, magnique & excelsi animi virtutem, quam quotidie ostendit pro predicatione Euangelij, necesse est ipsum audire dicentem; In eo autem, quod audet aliquis (in insipientiam dico) audeo & ego.

2. Cor. II.

Cap. 40.

Considera pius & religiosum animum! Non solum audaciam rem vocat, sed etiam insipientiam, nos erudiens, non temere absque necessitate, nemine cogere, gloriosè proferre, quæ à nobis facta sunt, si aliqui ex nobis inuenti fuerint, qui aliquid boni fecerint, Hebrei sunt, & ego! Israelites sunt, & ego! Semen Abraham sunt, & ego. Propter hoc, inquit, sibi placent, & se magnificè circunspiciunt. Ne existimat nos his deficit? Nam nos quoque sumus corundem participes. Deinde subiunxit, Ministri Christi sunt? Desipiens loquor, Plus ego.

Ibidem.

Ibidem.

Cap. 41.

Pauli ingē

modestia.

Hic mihi contemnare beatæ huius animæ virtutem. Quoniam enim & audaciam & insipientiam vocavit id, quod ab eo factum est, etiam si esset ad tantam redactus necessitatem, ne sic quidem contenus fuit iis, quæ dicta sunt, sed quando erat ostensurus se eos longe superare, ne quis existimat eum haec loqui inductum nimio suu amore, rursus vocat insipientiam id, quod à se dicitur, propemodum dicens, An non scio me

rem

rem facere, quæ vulgo fit, & quæ me non decet? Sed me cogit multa, quæ eò me impunit, necessitas. Quare mihi, inquit, ignoscite loquenti verba insipientia.

Huius vel umbram saltem nos imitemur, qui tam multa peccatorum onera habeamus imposita. O sep̄, si paruum aliquid recte geramus, ne hoc quidem sustinemus recendere intra cordis penetralia? sed propterea quod hominum venemur gloriam, id gloriōsē traducimus. & in medium proferimus, & propter intempestivas has nugas nos Dei priuamus remuneratione. Sed non sic ille beatus? sed cùm dixisset, Plus ego enumerat deinceps ea, quæ fortiter gesserat, & dicit: In laboribus abundantiūs in plā. Cap. 42. Qui homīnum vena-
gis supra modum, in mortibus frequenter. Quid dicas? Nouum quid est & admirabile crebōmor-
id quod à te dicitur. Licetne mortem sep̄ subire? Certe, inquit, si non experientia quidem, at voluntate docens nos, quod assidue talia adibat pericula propter prædicationem, quæ mortem ei pariebat. Sed Deigratia in ipsis medijs periculis conseruabat athletam, vt ad discipulos magna ex eo rediret utilitas.

Cap. 43. Id autem rursus, quod deinceps subiungitur, vt semel dicam, obscurat omnia, quæ dicta sunt. Quis enim, inquit, est infirmus, & ego non sum infirmus? Quis scandalizatur, & ego non vror? Papē, quanta est huius viri benignitas & benevolentia, quanta vigilantia, quanta solicitude? Cuiusnam matris sic dissecabantur viscera, eius filio feceritante, & in lecto iacente, vt hic sanctus pro his, qui erant in unoquoq; loco infirmi, magis erat infirmus & pro ijs, qui scandalizabantur, vrebatur? Considera enim mihi emphasis dictio. Non dixit, Quis scandalizatur, & ego nō crucior? Sed vror, inquit, nobis intensum dolorem significas & mirum in modum ostendens, se int. tunc secus inflammari & accendi pro ijs, qui patiuntur scanda.

Scio me extendisse orationem in magnam longitudinem, Sed nescio quomodo Cap. 44. cùm incidem in diuitias recte factorum huius sancti, tanquam ab aquarum vehementissimo in petu lingua mihi trahebatur. Quamobrem in hoc loco sistens orationem, rogo vestram charitatem, vt eum assidue in mente circumferatis, & hoc assidue cogitetis, quod cùm eandem, quam nos, haberet naturam, & esset subiectus ijsdem affectionibus, essetq; eius studium vile & abiectum, vt qui pelles confueret, & flarer in officina, postquam se voluit dedere virtutis laboribus, & se dignum reddere, qui susciperet Spiritum sanctum, largam munificientiam fuit consecutus à superis? Quam detur nobis consequi gratia & clementia Domini nostri Iesu Christi? Cui gloria & potentia cum Patre & sancto Spiritu, nunc & semper, & in seculis seculorum nunquam definentium, Amen.

DE CASSIO NARNIENSI EPISCOPO, AVTHORE S. GREGORIO PAPA.

NEQUE hoc Petre fileam, quod multi nūc, qui hīc de Narniensi ciuitate adsum, mihi sedulò testificantur. Eodem Cap. 45. Dialog. lib. 3. cap. 6. nanque Gotthorum tempor, cùm prefatus rex Totila Narniis venisset, ei vir vita venerabilis Cassius eius urbis Episcopus, occurrit. Cui quia ex conspersione semper facies rubore confueuerat, hoc rex Totila non conspersio- nis esse credidit, sed assidue potationis, eumq; omnimodo despexit. Sed omnipotens Deus, vt quantus vir esset qui despicebat, ostenderet, in Narniensi campo, quò rex aduenierat, malignus spiritus coram omni exercitu eius spatharium inuasit, eumq; vexare crudeliter ceperit. Qui cùm ante regis oculos ad venerandum virum Cassium fuisset Signo Crucis. adductus, hunc ab eo vir Domini, oratione facta, signo Crucis expulit: qui in eum ingredi vltiū non prasumpsit. Sicq; factum est, vt rex barbarus seruum Dei ab illo iam die veneraretur ex corde, quem despectum valde iudicauit ex facie. Nam quia virum tantæ virtutis vidit, erga eum illa mens effera ab elationis fastu detumuit.

Item ex eiusdem Homilia 37. in Euangelia.

Avidistis dicentem Dominum, fratres charissimi. Aut quis rex iturus committe. Luc. 24. Regem aduersus alium regem, nōnne sedens prius cogitat, si posset cum decem millibus occurrere ei, qui, cum viginti millibus venit ad se? Alioquin adhuc illo longè

longè agente, legationem mittens, rogat, ea, quæ pacis sunt. Rex contra regem ex quo venit ad prælium, & tamen si se perpendit non posse sufficere, legationem mittit, & ea quæ pacis sunt postulat. Quibus ergo lachrymis nos sperare veniam debemus, quillo in tremendo examine cum rege nostro ex æquo ad iudicium non venimus, quos nimirum conditionis infirmitas & causa inferiores exhibet? Sed fortasse iam mali operis culpas abscondimus, iam parua quæq; exteriū declinamus. Nunquid ad reddendam rationem cogitationis nostræ sufficiamus? Nam cùm viginti millibus vere dicuntur is, contra quem minimè sufficit iste, qui cum decem millibus venit. Decem millia quipe ad viginti millia, siplum ad duplum sunt. Nos autem si multum proficimus, vix exteriora nostra opera in rectitudine seruamus. Nam etsi iam luxuria carnis absissa est, tamen adhuc à corde funditus absissa non est. Ille autem qui iudicatur venit, exteriora simul & interiora iudicat, facta pariter & cogitationes pensat. Cum duplo ergo exercitu contra simplum venit, qui nos vix in solo opere preparatos, simul de opere & cogitatione discutit. Quid igitur agendum est, fratres charissimi, nisi vt dum nos cum simulo exercitu contra duplum illius sufficere non possemus, dum adhuc longè est, legationem mittamus, rogemus ea, quæ pacis sunt? Longè enim esse dicitur, qui adhuc præsens per iudicium non videtur. Mittamus ad hunc legationem, lachrymas nostras, mittamus misericordia operam: actemus in arae eius hostias placationis, cognoscamus nos cum eo in iudicio non posse contendere. Pensemus virtutem eius fortitudinis, rogemus ea, quæ pacis sunt. Hac est nostra legatio, quæ regem venientem placat. Pensate fratres quam benignum sit, quodvis, qui suo aduentu valet opprimere, tardat venire. Mittamus ad hunc, vt diximus, legationem nostram flendo, tribuendo, sacras hostias offerendo. Singulariter namq; ad absolutionem nostram, oblata cum lachrymis & benignitate mentis sacri altaris hostia suffragatur: quia qui in se resurgens à mortuis, iam non moritur, adhuc per hanc in suo mysterio pro nobis iterum patitur. Nam quoties ei hostiam suæ passionis offerimus, toutes nobis ad absolutionem nostram, passionem illius reparamus.

Multos, vt arbitror, vestrum, fratres charissimi, contigit nosse hoc, quod volo ad memoriam vestram narrando reuocare. Non longè à nostris fertur temporibus factum, quod quidam ab hostibus captus, longè traductus est. Cumq; diu teneretur in vinculis, cùm vxor sua eum ex eadem captiuitate non recipere, exstinclum putavit: Pro quo iam velut mortuo, hostias hebdomadibus singulis curabat, offerre. Cuius toutes vincula soluebantur in captiuitate, quoties ab eius coniuge hostia fuissent oblatae pro animæ eius absolutione. Nam longa post tempora reuersus, admirans valde, indicauit vxori sua, quod diebus certis hebdomadis singulis eius vincula soluebantur. Quos videlicet dies eius vxor atq; horas discutiens, tunc recognouit eum absolutum, cùm pro eo sacrificium meminerat oblatum. Hinc ergo fratres charissimi, hinc certa consideratione colligite, oblata à nobis hostia sacra quantum in nobis soluere valeat ligaturam cordis, si oblata ab altero, potuit in altero soluere vincula corporis.

Multi vestrum, fratres charissimi, Cassium Narniensis vrbis episcopum nouerunt, cui mos erat quotidie hostias offerre Deo, ita vt penè nullus dies vita eius abscederet, quo non omnipotenti Deo hottiā placationis immolaret. Cui cū sacrificio valde etiam concordabat vita, nam cuncta, q; habebat, in elemosynis tribuens, cùm ad horā offerendi sacrificij venisset, velut torus in lachrymis desflues, semetipsum cū magna cordis contritione maestabat. Cuius & vitam & exitū quodam venerabilis vite diacomo, qui ab eo fuerat nutritus, referēte cognoui. Aiebat enim, q; quadam nocte eius presbytero per visum Dominus adstitit, dicens: Vade & dic episcopo: Age quod agis, operate quod operaris; nō cesset pes tuus, nō cesset manus tua: natali Apostolorū venies ad me, & tribuam tibi mercede tuam. Surrexit presbyter: sed quia è vicino Apostolorū natalitiis dies imminebat, tam propinquū exitū diem episcopo nunciare permisit. Alia nocte Dominus rediit, eiusq; inobedientiam vehementer increpauit, atq; eadem iussionis sua verba retexit. Tunc presbyter surrexit, vt pergeret, sed rursus infirmitas cordis, impedimentum facta est indicanda reuelationis. Ad admonitionem quoque iteratae iussionis obduruit pergere, & quæ viderat, manifeste neglexit. Sed quia magnam mansuetudinem contempta gratia maior solef sequira vindicta, visione tertia Dominus apparens, iam verbis addidit verbera, & tam disticta cæde maestatus est, vt in eo duritatem cordis emollient vulnra corporis. Surrexit ergo eruditus ex verbere, perrexit ad Episcopum, eumq; iam ex more iuxtabeatii Iuuenalis martyris sepulcrum ad offerendum sacrificium consistentem reperit, secretum à

Sacri altaris
hostia quid
præstet.

Nota vim
sacrificij
Missæ.

S. Cassius
quotidiè
Missam cele-
bitat.

Presbyter
inobedientis
diuinitatis
flagellatur.

circumstantibus petijt, sc̄q; eius pedibus strauit. Cumq; cum vberri m flentem Episcopu s vix ad se ~~lēcāre~~ potuisset, lachrymarum causas cognoscere studuit. Ille vero relaturus ordinem visionis, prius vestimento ex humeris deuoluto, detexit plagas corporis (vt jta dicam) testes veritatis & culpe monstrauit, quanta animaduersione distriptionis membra illius accepta verbera liuore inflicta sulcauerant. Quā mox ut episcopus vidit, exhorruit, & quis sibi talia facere pr̄sumpsisset, cum magnæ obstupefactionis vocibus inquisiuit. At ille respondit, haec se pro ipso fuisse perpeſsum. Excreuit cū terrore admiratio. Sed nullas iam presbyter inquisitioni eius moras adjicēs, secreta reuelationis aperuit, eiq; iussiones Dominicās, per ea quā audierat verba narravit, dicens: Age quod agis, operare quod operaris: non cesser manus tua, non cesser pes tuus: natali Apostolorum venies ad me, & retribuam tibi mercedem tuam. Quibus auditis, episcopus in oratione se cum magna cordis contritione prostrauit. Et qui oblatus sacrificium ad horam tertiam venerat, hoc pro extensō orationis magnitudine, ad horam nonam v̄sq; protelauit: atq; ex ipso iam die magis magisq; aucta sunt ei lucra pietatis, factusq; est tam fortis in opere, quā certus ex munere: quippe qui cū, cui debitor ipse fuerat, ex ea promissione, jam cœperat habere debitorem.

Huic autem consuetudo fuerat, singulis annis natalitio Apostolorum die R̄omam venire: iamq; ex hac reuelatione suspectus, venire iuxta morem noluit. Eodem ergo tempore sollicitus fuit, secundo quoq; anno vel tertio in mortis suā expectatione suspensus, quarto quintoq; & sexto similiter. Qui desperare iam de veritate reuelationis poterat, si verbis fidem verbera non fecissent. Cum ecce anno septimo v̄sq; ad ex. Apostolo-
peccati natalis sacras vigilias incolamus peruenit, sed lenis hunc in vigilijs calor atti-
git, atque ipso die natalitio filii suis se expectantibus, Missarum solennia implere se posse recusauit. Illi vero, qui de eius erant egressione pariter suspecti, simul ad eum o-
mnes venerunt, sese vnamiter adstringentes, vt die eodem nequaquam acquiesce-
rent Missarum solennia celebrare, nisi pro eis ad Dominum idem anistes suus inter-
cessor accederet. Tunc ille compulsus, in Episcopi oratorio Missas fecit, & manu sua
corpus Dominicum, pacemq; omnibus tribuit. Qui cūto ministerio oblati sacrificij
peracto, ad lectulum redijt, ibiq; iacens, dum sacerdotes suos ac ministros circunste-
nisse se cerneret, quasi vale vltimum dicens, de seruando eos vinculo charitatis admo-
nebat, & quanta debuissent concordia inter se vniri, pr̄dicabat: tum subito inter ipsa
sanctæ exhortationis verba, voce terribili clamauit, dicens: Hora est. Moxq; assistenti-
bus ipse suis manibus linteum dedit, quod ex more morientium sibi contra faciem tē-
deretur. Quo tenso, emisit spiritum. Sicq; sancta illa anima ad gaudia æterna perueni-
ens, à carnis corruptione soluta est.

Quem fratres charissimi, quem vir iste in morte imitatus est, nisi eum, quem in vi-
ta sua fuerat contemplatus? Dicens enim, Hora est, de corpore exiit: quia & Iesus, per-
actis omnibus, cū dixisset, Consummatum est, inclinato capite, tradidit spiritum. Iohann. 19.
Quod ergo Dominus, fecit ex potestate, hoc egit famulus ex vocatione. Ecce quotidiana
hostia, illa cum eleemosynis & lachrymis missa legatio, quantam cum rege ve-
niente gratia pacem fecit. Relinquat ergo omnia qui potest. Qui autem omnia
relinquere non potest, cū adhuc rex longè est, legationem mittat

lachrymarum, eleemosynarum & hostiarum munera
offerat. Vult enim placari precibus, qui scit
quia non possit porta-
ri iratus.

Sacrae
vigi-
lie natalis
Apostolo-
rum.

Felicissim⁹
sancti viri
obitus.